

太平御覽



四夷部

東夷二至

東夷五

南蠻一至

南蠻六



太平御覽卷第七百八十一

四夷部二

東夷二

百濟

夫餘

新羅

百濟

北史曰百濟之國者其先蓋馬韓之屬也自出夫余王東明之後有仇台篤于仁信始立國于帶方故地漢遼東太守公孫度以女妻之遂為東夷強國初以百家濟因號百濟其國東極新羅北接高句麗西俱限大海東西四百五十里南北九百里其都曰居援城亦曰固麻城其外更有五方中曰古沙城東方曰得安城南方曰久知下城西方曰刁先城北方曰

熊津城

又曰百濟國王姓夫餘氏號于羅瑕百姓呼為韃士口之夏言竝王也王妻號于陸夏言妃也官有十六品左平五人一品達率三十人二品恩率三品德率四品杆率五品奈率六品以上冠飾銀華將德七品紫帶施德八品皂帶固德九品赤帶季德十望鼻對德十一品文督十二品皆黃帶武督十三品左軍十四品振武十五品卷虞十六品皆白帶自恩率已下官無常員各有部分其人飲食衣服與高麗畧同朝拜祭祀其人加四箱加翅戎事則不拜謁之禮以西手據地為禮婦人不加粉黛女辨髮垂後已出嫁

則分為兩道盤于頭上衣似袍而袖微大兵有弓箭刀稍俗重騎射兼愛墳史有鼓角塋僕芋麓笛之樂投壺擲菹弄珠握槊等戲尤尚奕棊行宋元嘉曆以建寅月為歲首賦稅以布絹絲麻及米等量歲豐儉差等輸之其刑罰反叛退軍及殺人者斬盜者流其賊两倍徵之婦犯姦沒入夫家為婢婚娶之禮畧同華俗父母及夫死者三年居服餘親則葬訖除之士田下濕氣候溫暖皆人山居有巨粟其五穀雜菓菜蔬酒醴及穀饌之屬多同內地唯無駝騾羊鷓鴣又曰百濟國中大姓有八族沙氏燕氏勃音氏真氏解氏骨氏末氏首音氏其俗每以四仲月祭天及五帝

之神立其始祖仇台之庙于国城歲四祠之
又曰隋開皇初百濟王余昌遣使貢方物拜上開府帶
方郡公百濟王平陳之歲戰船漂至海東耽牟羅
國其船得還經于百濟昌資送甚厚并遣使奉表賀
陳平文帝善之八年復使長史王辯那來獻方物屬
興遼東之後奉表請為軍導高麗頗知其事兵侵其
境太業七年帝親征高麗其王餘璋使国智牟表請
軍期帝遣尚書起部郎席律詣彼與相知明年六軍
度遼餘璋亦嚴兵于境聲言助軍實持兩端尋與新
羅有隙每相戰爭十年復遣使朝貢後天下亂使
命遂絕

南史曰晉義熙十二年以百濟王餘映為使持節都督
百濟諸軍事鎮東將軍百濟王宋元嘉二年詔兼
謁者閻丘恩子兼副謁丁敬子徃宣旨慰勞其後歲
遣使者奉表獻方物二十七年上表求易林雜占腰
文弩帝竝與之梁天監中進號征東大將軍尋為高
麗所破衰弱累年遷居南韓地普通二年王餘隆上
表称累破高麗今始與百濟通好更為強國五年隆
死詔以其子明為百濟王所都城曰国麻謂邑曰擔
魯如中国之言郡国其国有二十二擔魯皆以子弟
宗族分據之其人形長衣服潔淨其国近倭頗有文
身者言語服章畧與高麗同呼帽曰鬼襦曰複衫袴

禪其言叅諸夏亦韓之遺俗云中大通七年累遣使獻方物并請帽槃等經義毛詩博士并工匠畫師等並給之太清三年遣使貢獻及至見城闕荒毀並號慟涕泣侯景怒囚執之景平乃得還國

唐書百濟國王所居有東西兩城所置內官曰臣佐平掌宣納事內頭佐平掌庫藏事內法佐平掌禮儀事衛士佐平掌宿衛兵事朝廷佐平掌刑獄事兵官佐平掌在外兵馬事其用法叛逆者死籍沒其家殺人者以奴婢三人贖罪官人受財及盜者三倍追贓乃終身禁錮凡諸賦稅及風土所產多與高麗同其王服大袍紫袍青錦袴烏羅冠金花為飾素皮帶烏

革履官衣盡緋為衣銀花飾冠庶人不得衣緋紫歲時伏臘同於中國其書籍有五經子史及表疏並依中華之法其國西南海有三島其上出黃漆樹樹似小椶而樹大六月取其汁漆器物色如黃金其光自光自奪目

又曰武德四年百濟王扶餘璋遣使來獻果下馬七年又遣大臣奉表賀朝貢高祖嘉其誠欵遣使就冊為帶方郡王百濟王自此歲遣朝貢高祖勞撫甚厚因訟高麗閉其路道不許來通中國詔遣宋太宗賜和之又與新羅世為仇敵數相使代貞觀元年太宗賜其玉璽書令即停兵革璋因遣使奉表陳謝雖外

稱順命內實相仇如故十一年遣使奉朝獻鉄甲雕
斧太宗優勞之賜綵白錦袍等

又曰貞觀十六年百濟王義慈具兵伐新羅四十餘
城又與高麗和親通好意欲取党項城以絕新羅入
入朝之道新羅遣使告給請救太宗遣司農丞相里玄
獎賚書告諭兩蕃示以禍福及太宗親征高麗百濟
懷貳乘虛襲破新羅七城二十二年又破其十余城
數年之間朝貢遂絕高宗嗣位使遣使朝貢六年新
羅王金春秋上表稱百濟與高麗鞞鞞侵其北界已
沒三十余城顯慶五年命左衛大將軍蘇定方統兵
討之太破其虜慈義太子隆小王孝演偽將五十

八人等送于京師上責而宥之其國舊分為五部統
郡三十七城二百戶七十六萬至是乃以其地分置熊
津馬韓東明等五都督府各統州縣立其酋渠為
都督刺史及縣令命右衛郎將王文度為熊津都
督統兵以鎮之

又曰百濟王義慈事親以孝行聞友于兄弟時入號
海東曾閔及至京數日疾卒贈金紫光祿大夫衛尉
卿特許其旧臣赴哭送就孫皓陳叔宝墓側葬之

夫餘

後漢書曰夫餘國在玄菟北千里南與高句麗東與
挹樓西與鮮卑接北有弱水地方二千里本濊地也

初北夷橐離國王出行其侍兒于後倭身王遂欲殺之侍兒曰前見天上有氣如大鷄子未降我因以有身王囚之後遂生男王令置于豕牢豕以口氣噓之不死復徙于馬欄馬亦如之以為神乃聽母收養名曰東明東明長而善射王忌其猛欲殺之東明奔走南至掩淲音水以弓繫水魚鱉皆聚浮水上東明乘之得度因而夫餘而王之焉于東夷之域最為平敞土宜五穀出名馬赤玉貂豹大珠如酸棗以員柵為城有宮室倉庫牢獄其人粗大強勇而謹厚不為寇鈔以弓矛為兵以六畜名官有馬加牛加狗加其邑落皆主屬諸加飲食用俎豆會同拜爵洗爵揖讓升

降以臘月祭天大會連日飲食歌舞名曰迎鼓是時斷形獄解囚徒有軍事亦醉天殺牛以號占其吉凶行人無晝夜好歌吟音聲不絕其俗用刑嚴急被誅者皆及其家人為奴婢盜一責十二男女淫皆殺之尤惡如婦既殺復尸于山上兄死妻嫂死則有擲無棺殺人殉葬者多以百數其王葬用玉匣漢朝常預以玉匣付玄菟郡王死則迎取以葬馬建武二十五年夫餘王遣使奉貢光武厚報答之于是使命遂通至安帝永初五年夫餘王始將步騎七八千人寇鈔樂浪使吏人後復歸附永寧元年乃遣嗣子尉仇台詣闕貢獻天子賜尉仇台印綬金綵順帝永和元年其王來朝

京師帝作黃門鼓吹角抵戲以遣之桓帝時亦朝貢獻
帝時亦屬遼東云

魏志曰夫餘本屬玄菟其俗有敵諸加自戰下戶俱
擔糧飲食之其死夏月皆用水有槨無棺停喪五月
以久為榮其居喪男女皆純白婦人着布面衣去珮
珮大体與中國相類漢末公孫度雄張海東威服東
夷夫餘王尉仇台更屬遼東時勾麗鮮卑強度以夫
餘在三虜之間妻以宗女正始中幽州刺史毋丘儉
討勾麗遣玄菟太守王頌詣夫餘王位居遣太加郊
迎供軍糧舊夫餘俗水旱不調五穀不熟輒歸祭
王或言當易或言當殺其印文言濊王之印國有故

城名濊城蓋本濊貊之地而夫余王其中自謂亡人
抑有以也

晉書曰夫餘國至太康六年為慕容廆所襲破其依
虜自殺弟走保浚武帝以何龕為護東夷校尉明
年夫餘後王依羅遣使詣龕求率見人還復舊國
遣督郵賈以送之爾後每為廆掠其種人賣于國中
帝又以官物贖還禁市夫餘之口自後無聞

新羅

秦書曰符堅建元十八年新羅國王樓寒遣使衛頭
獻美女國在百濟東其人多美髮長丈餘
又曰符堅時新羅國王樓寒遣使衛頭朝貢堅曰卿

言海東之事與古不同何也答曰亦猶中國時代變革名號改易

南史曰新羅魏時曰新盧宋氏曰新羅或曰斯羅其國小不能自通使聘梁普通二年王姓募名秦始使使隨百濟奉獻方物其俗呼城曰健牟羅其邑在內曰喙評在外曰邑勒亦中國之言郡縣也國有六家喙評五十邑邑勒土地肥美宜植五谷多桑麻作縑布服牛乘馬男女有別其官名有子賁早支壹早支齊早支謁早支一吉支奇具早其冠曰遣子禮襦曰尉解袴曰柯半靴曰洗其拜及行與高麗相類無文字刻木為信語言待百濟而後通焉

北史曰新羅者其先本辰韓種也辰韓始有六國後相分為十二新羅則其一也或稱魏將毋丘儉討高麗破之奔浚沮其後復歸故國有留者遂為新羅亦曰斯盧其人雜有華夏高麗百濟之屬兼有浚沮不耐韓濊之地其王本百濟人自海逃入新羅遂王其國初附庸百濟征高麗不堪役戎後相率歸之遂致強盛因襲百濟附庸于迦羅國焉

又曰新羅王真平以墮開皇十四年遣使貢方物文帝拜真平王開府樂浪郡公新羅王其官有十七等一曰伊羅干貴如相國次伊尺干次迎干破弥干次大阿尺干次阿尺干次乙吉干次涉咄干次及伏平

次大柰摩干次柰摩干次大舍次小舍次壹次大馬
次小馬次達位外有郡其文字甲兵同於中國選
壯健者悉入軍烽戍邏俱有七管部伍風俗刑政衣
服畧與高麗百濟同每月旦相賀王設晏會班賚群
官其日拜日月神主八月十五日設樂令官人射賞
以馬都其有大事則聚群官詳議定之服色尚書素
婦人辮髮統頭以誰綵及珠為飾婚嫁禮唯酒食而
已輕重隨貧富死有棺斂葬送起墳陵王及父母妻
子喪居服一年田甚良沭水陸兼種其五谷果菜為
獸物產略與中華同大業以來歲遣朝貢

唐書曰新羅王所居曰金城周七八里衛兵三千人
設師子隊文武官凡十有七等武德四年其王金真
平遣使朝貢高祖遣使賜以璽書及畫屏風錦綵自
此朝貢不絕其食器用柳箱亦以銅及瓦國多金朴
兩姓異姓不為婚

又曰貞觀五年新羅遣使獻女樂二人皆鬢髮美色
太宗謂侍臣曰朕聞聲之 娛不如好德且山川阻
遠懷上可知近日林邑獻曰鸚鵡尚解思鄉訴請還
國馬猶知此况人情乎但愍其遠來思蠻親戚宜付
使者聽其還家

又曰新羅曰金真平安卒無子立其女善德為王真
觀九年遣使冊命善德為樂浪郡王新羅王十七年

遣使王言高麗百濟累相攻襲亡失數十城兩國連
兵意在滅臣社稷謹遣陪臣歸命大國乞偏師救助
後太宗將親代高麗詔新羅募集士馬應接大軍新
羅遣大臣領兵五萬入高麗南界攻水口城降之又
曰新羅王善德卒立其妹真德為王真觀二十二年
真德遣其弟國相伊贊于金春秋及其子文王來
朝春秋請詣國李觀釋奠及講論太宗因賜所以製
溫湯及晉祠碑并新撰晉書將歸國

又曰永徽元年新羅王真德大破百濟之衆遣其弟
子法敏以聞真德乃織錦作五年太平頌以獻其祠
曰太唐開洪業巍巍皇猷昌止戈戎衣定脩文繼百

王統天崇兩施理物體含章深仁諧日月撫運邁陶
唐幡旗何赫赫鉦鼓何鏗鏗外夷違命者剪覆被天
殃淳風疑幽顯遐邇竟呈祥四時和玉燭七耀巡萬
方維岳降宰輔帝任忠與良五三成一德昭我家大
唐帝嘉之拜法敏為大府卿

又曰永徽六年百濟與高麗靺鞨率兵侵新羅百界
其王春秋遣使上表求救顯慶五年命左武衛大將
軍蘇定方為能津道大總管統水陸十萬仍令春秋
為嶮夷道行軍總管與定方討平百濟俘其王扶餘
義慈來獻自是新羅漸有高麗百濟之地其界益
大西至于海

又曰龍朔三年詔以新羅國為鷄林都督府授其王金法敏為鷄林都督法敏卒其子政明嗣位垂拱二年遣使來朝因請唐禮一部并雜文章則天令寫吉凶要禮并于文館詞林採其詞涉規誡者勒成五十卷以賜之

又曰開元二十五年新羅王興光卒玄宗遣左贊善大夫邢璣往吊祭并冊其子承慶為新羅王璣將發上製詩序太子以下及百寮咸賦詩以送之謂璣曰新羅號君子之國頗知書記有類中華以卿季涉善于講論故選充此使到彼宜闡揚經典使知大國儒教之盛又聞其人多善變棊亦令善棊人率府兵

曹楊季鷹為之副璣等至彼大為蕃人所敬其國棊者皆季鷹之下于是厚賂璣等金銀

又曰大曆七年新羅王金乾運遣使金標石來賀上八年又遣使獻金銀牛黃魚牙細朝霞細等

又曰元和三年新羅王金重興遣使金力奇來朝力奇上言貞元十六年奉詔冊臣故主金俊邑為新羅王母氏為大妃妻朴氏為王妃冊使常冊至中路而知俊邑薨其冊却迴在中書省今臣還國伏請受領至寺宣授以金力奇令奉歸國仍賜其叔彥昇門戟今本國准例給與

太平御覽卷第七百八十二

太平御覽卷第七百八十二

四夷部四

東夷三

倭

日本

紵嶼人

蝦夷

倭

後漢書曰倭在韓東南大海中依山島為居凡百余國武帝滅朝鮮使驛通於漢者三十許國倭王居邪馬臺國倭令名邪魔惟音之託反樂浪郡徼去其國萬二千里其地大較在會稽東野與朱崖儋耳相近故其俗多同土宜禾稻麻紵蚕桑知織績為縑布出白珠青玉其山有丹土氣溫煖冬夏生菜茹無牛馬虎豹羊鵲鵲或鷓其兵如毛楯木弓竹矢或以骨為鏃男子皆黥面文

文身以其文左右大小別尊卑之差其男衣皆橫幅
結束相連女人被髮屈紒衣如單被貫頭而着之竝
以丹朱粉身說文曰粉塵也音蒲頓切如中國之用粉也有城柵
屋宇父母兄弟異處唯會同男女無別飲食以手而
用邊豆俗皆徒跣以蹲踞為恭敬人性嗜酒多壽考
至百餘歲者甚衆國多女子大人有四五妻其皆餘
或兩或三女人不淫不妬又俗不盜竊少爭訟犯法
者沒其女子重者滅其門族其死者停喪十余日家
人哭泣不進酒食而等類就舞為樂灼骨以為
用決吉凶行來度海令人一不擲沐不食肉不近婦
人名曰持衰若在塗吉利則顧以財物如病疾遭害

以為持衰不謹便共殺

魏志曰倭國在帶方東南大海中依山島為舊國百
餘小國時時有朝見者令令使譯所通其三十國從
帶方至倭循海岸水行歷韓國從尔南尔東到其羣
拘耶韓國七十餘里至對馬國戶千余里大官曰卑
狗副曰卑奴母雖所居絕島方四百餘里地多山林
無良田食海物自活乘船南地市糴又南渡一海一
千里名曰澣海至一大國置官與對馬同地方三百
里多竹木叢林有千許家亦有田地耕田不足食亦
行市糴又渡海千餘里至未盧國戶四千濱山海居
人善捕魚水無深淺皆能沉沒取之東南陸行

五百里到伊都国官曰爾支副曰泄謨觚柄渠觚有
千余户世有王措統屬女王帶方便往來常止住
又東至奴国百里置官曰先馬觚副曰昇奴母離有
一万余户又東南水行二十日至于投馬国户万置
官屬曰弥弥副曰弥弥那利又南水行十日陸行一
月至耶馬臺国户七万女王之所都共置曰伊支馬
次月弥馬叔次曰弥馬獲支次曰奴佳鞮其屬小国
有二十一皆統之女王之南又狗奴国男女為王其
官曰狗石智卑狗者不屬女王也自帶方便至女国
万二千余里其俗男子無大小皆點面文身間其旧語
自謂太伯之後又云自上古以來其中詣中国草傳

辭說事或蹲踞跪两手據地謂之恭敬其乎應声
曰噫噫如然諾矣

又曰倭国本亦以男子為王漢灵帝光和倭国乱相
攻伐無定乃立一女子為王為昇弥呼事鬼道能
感眾自謂年已長大無夫婿有男弟佐治国以婢
千人自侍唯有男子一人給飲傳辭出入其居處宮
室樓觀城柵守衛嚴峻景初三年公孫淵死倭女王
遣大夫难升米等言帶方便詣天子朝見太守刘
夏送詣京師难升米致所獻男生口四人女生口六人
班布二疋詔書賜以雜錦采七種五尺刀二口鏡金
百枚真珠鉛丹之屬付使還又封下王倭印授女

王死大作冢殉葬者百余人更立男王国中不伏更相殺數千人于是復更立卑弥呼宗女壹峯年十三為三國中遂定其倭國之東渡海千里復有國皆倭種也又有朱戶儒國在其南人長三四尺去倭國四千餘里又有裸墨國復在其南舩行可一年至南史曰倭國風俗不淫男女皆露髻富貴者以錦綉雜采為帽以中國胡公頭晉安時有倭王讚遣使朝貢宋武帝永初二年詔曰倭王讚遠誠宜甄可賜除授文帝元嘉二年讚又遣使奉表獻方物讚死弟珽立遣使貢獻自称使待節都督倭百濟新羅任那秦韓六國諸軍事安東大將軍倭國詔除安東將

軍倭國王珽又求正除倭侑等十三人平西征虜軍號詔並計之自取朝貢不絕至順帝昇平二年倭王武遣使上表言自昔祖禰躬擐甲冑跋涉山川不遑寧處東征毛人五十五國西服衆夷六十六國凌平海北九十五國王道融恭廓土遐畿累葉朝思宗不愆于歲道過百濟裝飾船舫而句麗無道圖欲見吞臣亡考濟方欲大舉奄喪父兄欲垂成之功不一篋金欲練兵甲父兄之志竊自假開府儀同三司其餘咸各假以勸忠節詔除武使持節督倭新羅秦韓六國諸軍事安東大將軍倭王至齊建元中及國梁武帝時並奉朝貢

北史曰隋開皇二十年倭王姓何每宇多利思比孤
號河葦鷄弥遣詣闕上令所司訪其風俗使者言倭
王以天為兄以日為弟天明出听政跣跣坐日出使理
務云委我弟文帝曰此大無義理于是訓令政之
王妻姓鷄弥設官有女六七百人名大子為利歌
弥多弗利

又曰倭国内官有十二等一曰大德次小德次大仁
次小仁次大義次小義次大禮次小禮次大智次小
智次大信次小信員無定數有軍尼二百二十人猶
中国牧宰八十戶置一伊尼翼如今里長也十伊尼
翼屬一軍尼

又曰倭国男子服飾衣裙襦其袖微小履如履形
深其上繫之脚人庶多跣足不得用金銀為飾故
時衣橫臨結束相連而無縫頭亦無冠但垂髮于
兩耳上至隋其王始制冠以錦綵為之以金銀鏤花
為飾婦人束髮于後亦衣裙襦裳皆有襪織竹聚
為梳編草為薦雜皮為表緣以雜皮皮

又曰倭国兵有弓矢積斧漆皮為甲骨為矢鏑雖有
兵無征伐其王朝會必陳設儀仗其国樂户户可十
萬俗殺人強盜及姦皆死盜者計贓酌物無財者
沒身為奴自余輕重或流或杖每訊寃獄不承引者
以求壓膝或置小石于沸湯中令所竟者探之云理曲

者即手爛或置地甕中令取之曲者即螫手人頗
恬靜罕爭訟少盜賊樂有五絃琴笛男女多黠面
身沒水捕魚臭文字唯刻木結繩後于百濟求得佛
結始有文字知卜筮尤信巫覡每至正月一日必射
錢飲酒其餘節畧與華同好棊博掘槩擣蒲之戲
氣候溫煖草木冬青土地膏腴水多陸少以水環挂鷓
鷄項令入水捕魚日得百余頭俗無盤俎籍以榭葉
性質直有雅風女多男少女婚姻不娶同姓男女相悅
者即為婚婦入夫家必先跨火乃與夫相見婦人不
淫妬死者歛以棺擲親賓就屍者歌舞妻子兄弟
以白制服貴人三年殯庶人卜日而瘞及葬置屍
舡至陸地牽之或以小輿

又曰倭國有阿蘇山其石無故大起接天者俗以為
異因行禱祭有如意宝珠其色青大如鷄卵夜則
有光新羅百濟皆以倭為大國多珍物並仰之恒
通事往來

又曰隋大業三年倭國王多利思比孤遣朝貢使者
曰海西菩薩天子重興佛法因書曰日出處天子
致書日沒處天子無恙云云帝覽不脫為鴻臚卿
曰夷書有無礼者勿復以聞明年上遣文林郎裴
世清使倭國王遣小德何鞏壹從數百人設儀仗
鳴鼓角來迎後十日又遣大祀歌多毗從數百余

騎郊勞既至彼都其王與世清來貢方物此後
遂絕

唐書曰倭國土風頗類新羅貞觀五年遣使貢
方物太宗矜其道遠勅所司無令歲貢又遣新州
刺史高表仁持節往撫之表仁無綏遠之才與李
爭禮不宣朝命而還至二十二年又附新羅奉表以
通起居

日本國

唐書曰日本國者倭國之別種也以在國在日邊故
以日本為名或云倭國自惡其名不雅改為日
本或云日本舊小國併倭國之地其人入貢者多自
矜大不以實對故中國疑焉又云其國界東西南北皆數
千里西界南界咸至大海東界北界有大山為限
山外即毛人之國長安三年其大臣朝臣真人來貢方
物朝臣真人者猶中國戶部尚書冠進德冠其頂為
花分而散身服紫袍以帛為腰帶真人好讀經史
解屬文容止溫雅則天宴之于麟德殿授司膳卿放
還本國

又曰開元初日本國遣使朝來因請儒士授經詔四
開助教道玄點就鴻臚寺教之乃遺玄默闔幅布以
為束脩之理題曰白龜元年調布人亦疑其偽為此
題所得錫賚盡市文籍泛海而還其偏賜朝臣仲滿

慕中國之風因留不去改姓名為朝衡士歷佐輔闕
儀王友衡留京師五十年好書籍放歸還逗留不去
又曰元貞二十一年日本國遣使朝留學生橘免勢
學問僧空海元和元年朝貢使判官高階其人上
言前件學生藝業稍成願歸本國便請與臣同歸
從之開成四年又遣使貢○南海經曰南倭北倭屬
倭在方東大海中以女為王其俗零結衣服無
針切以丹朱塗身不妬忌一男子教十婦人

紵嶼人

外國記曰周祥汎海落紵嶼上多紵有三千余家云
是徐福僮男之後風俗以吳人

蝦夷國

唐書曰蜺夷國海島中小國也其使鬚長四尺尤善
弓矢挿箭于首令人戴觚而立數十步射之無不
中者明慶四年十月隨倭國使入朝

太平御覽卷第七百八十二

太平御覽卷第七百八十三

四夷部四

東夷四

高句驪

范曄後漢書曰高句驪國節於飲食而好治宮室其俗淫
皆潔淨自喜夜輒男女群聚為昌樂

魏畧曰高句驪國在遼東之東十里其王都於九節之下
方二千里戶三萬多山林無源澤其國貧儉土著為宮室
宗廟祠靈星社稷其俗吉凶喜寇抄其國置官有相如軍
盧沛者鄒如尊卑各有等本指奴部為王稍微弱今柱婁
代之大家不由作戶下給賦稅如奴容好歌舞其人自喜
跪拜申一脚與夫餘異行步皆走十月會祭天名曰東盟

有軍事亦祭天殺牛觀蹄以占吉凶如着憤如憤無後其
小加着折風形如弁無牢獄有罪者即會加評議便殺之
沒入妻子為奴婢盜一責十二婚姻之法女家作小屋於
大屋後名為婿屋婿暮至女家戶外自名跪拜乞得就女
宿女家聽之至生子乃將婦歸其俗淫巧相奔誘其死葬
有槨無棺停喪百日好厚葬積石為封列種松柏兄死亦
報嫂俗有氣力便弓矢刀子有鑑習文有小水獬俗出好
弓其馬小便登山夫餘不能臣也沃沮東穢皆屬之其國
都依太水而居王莽時發句驪以代胡不欲行王出為寇
害奔更名為下句驪後漢書曰高句驪者出於夫餘自言
光祖朱蒙母河伯母夫余王問於室中為日所照引身避
之日影又逐既而有孕生一卵大如五升夫餘王弃之與
豕豕不食弃之於路牛馬避之又弃之野衆馬以毛茹之
夫餘王剖之不能破遂還其母其母以物裹之置於暖處
有一男破殼而出及其長也字之曰朱蒙其俗言朱蒙者
善射也夫餘國人以朱蒙非人所生將有異志請除之王
不聽命之養馬朱蒙每私試知其善惡駿者減食令瘦駕
者善令肥夫餘王以肥者自乘以瘦者給朱蒙後狩於田
以朱蒙善射射給之一矢朱蒙雖一矢殪獸甚多夫余之
臣又謀殺之朱蒙母陰知以告朱蒙與焉引遣二人乘夫
余東南走中道遇一大水欲濟無梁夫余人追之甚急朱
蒙告水曰我是曰子河泊外孫今日逃走追兵垂及知如

何得濟於是魚鱉並浮為之成橋朱蒙得度魚鱉乃解追騎不得度朱蒙至普述水遇見三人共一人衣著麻一人著納衣一人著水藻衣與朱蒙至紇升骨城遂居焉號曰高句驪因以高為氏焉

北史曰朱蒙在夫餘時其妻孕朱蒙逃後生子始閭詣及長知朱蒙為國王即與母亡歸之名曰閭達委之國事朱蒙死至孫莫來立乃并夫餘漢武帝元封四年滅朝鮮置玄菟郡以高句驪為孫以屬之漢時賜之衣幘朝服鼓吹常從玄菟郡受之後稍驕不服詣郡但於東築小城受之遂名此城為憤之溝婁者句驪域名也

又曰公孫度之雄海東也高句驪伯固與之通好伯固死伊夷摸五伊夷摸數寇遼東建安中公孫康出軍繫之大破其國焚燒邑落伊夷摸更作新國於九都山下

又曰高句驪伊尹模死其子位宮立始位宮曾祖生而目開能視國人惡之及長凶雪國以破殘及位宮生一能視人高驪呼相以為位以為似其曾祖宮故名位宮亦有勇力便鞭馬善射獵魏正始中位宮寇西安平五年幽州刺史毋立儉將萬人出玄菟討位宮大戰於沸流敗走儉追至賴峴懸車東馬登九都山屠其所都位宮車將妻子遠竄六年儉復討之位宮輕將諸加奔伏沃沮儉使將軍王傾追之絕凌沮千里余到蕭慎南界刻石紀功又刻九都山名不耐城而還

又曰後魏太武帝時高麗王劍曾孫璉始遣始者諸安東奉表貢方物拜請國諱太武嘉其誠欲詔下帝系名諱於其國使員外散騎侍郎李敖拜璉為都督遼海諸軍事高句驪王敖至其所居平壤城訪其房事云去遼東一千余里至柵城南至小海北至舊夫餘人戶三倍於前魏將後貢使相尋歲至黃金二百斤白銀四百斤

又曰後漢文明太后以獻文六宮未倫勅璉令薦其女璉奉表云女已以出求以弟女應旨朝庭許焉會獻文崩乃止

又曰後魏太和十五年璉死其子孫雲立復賜以衣冠服物車旗之飾自此歲常貢獻至大統十年其王戌遣使至

西魏朝貢及齊受東魏之禪又朝于齊文宣加成使特侍中驃騎大將軍高麗王如故

又曰北齊天保三年文宣至營州使博陵崔柳使守高麗水魏末流人勅柳曰若不從者以便宜從事及至不見許柳張日比之奉繫成墜於壯下戌左右崔息不敢動乃謝服柳以五千戶反命

又曰高駒驪東至新羅西度遼二千里南接北齊北隣鞞鞞一千余里人皆土著隨山谷而居衣帛及皮土田薄墾蠶農不足以自供故其人鄭飲食其王好修宮室都平壤城亦曰長安城其城隨山屈曲南臨沮水城內唯積倉儲器備冠至方入固守王別為宅於其側不常居之其外復

有固内城及漢城亦別都也其國中呼爲三京有遼東玄菟等數十城皆至官司以相統攝焉其置官有大對盧已下凡十二等分掌内外事後有内評五部褥蔭人皆頭着折風刑如弃士人加插二爲羽貴者其冠曰蘇骨多用柴羅爲之飾以金銀服大袖衫大口袴素皮帶黃華履婦人裙襦加幘書有五經三史三國志晉陽秋兵器與中國畧同及春秋校獵王親臨之稅布五疋穀五石右遊人則三年一稅十人共細布一疋其刑法峻罕有犯者樂有五絃琴箏筆橫吹簫鼓之屬吹盧以合曲每年初聚麪沮水上王乘要曰輦列與儀觀之事畢王以衣入外分爲左右二部以水石相濺擲喧呼馳逐再三而止性多詭伏言辭鄙穢不簡親疎父子同川浴其室寢好歌舞常以十月祭天其公會衣服皆錦繡金銀以爲飾好蹲踞食用俎豆出三尺馬云本朱蒙所乘馬種即乘下也風俗尚淫不爲以愧俗多遊女夫無常人夜則男女群聚而麪無有貴濺之辭有婚嫁取男女相悅即爲之男家送猶酒而已無財聘之禮或有受財者人共耻之以爲賣婢死者殍在屋內殯三年擇吉日而葬居父母及夫喪皆三年兄弟三年初終哭泣葬則鼓舞作樂以送之理訖取死者生時翫好車馬置墓側會葬者爭取而去

又曰開開望中高麗王元率韎鞞萬餘騎寇遼東西營州愬管常世冲擊走之帝大怒命漢王諒爲元帥愬水陸討

之下詔黜其爵位元亦惶惧遣使謝罪上表稱遼東糞土
臣元云云上於是罷兵待之如初元亦歲遣朝貢煬帝嗣
位天下全盛高昌王突厥啓人可汗並親詣闕貢獻於是
徵元入朝元惧蕃禮頗闕大業七年帝將討元罪車駕度
遼水止營於遼東又勅諸將高麗若降即宜撫納不得縱
兵入城陷賊輒言降諸將奉旨不敢赴機每先馳奏比報
賊守禦亦備復出拒戰如此者三帝不悟由是食盡師老
輔翰不繼諸軍多敗績於是班師

又曰隋大業九年煬帝復親征高麗勅諸軍以便宜從事
諸將分道攻城賊勢日蹙會楊玄感作亂帝大懼即日六
軍並還十年發天下兵會賊蜂起所在之阻絕軍多失其

至遼水高麗亦困弊遣使乞降帝許之頓懷遠鎮受其降
仍以俘囚軍實歸至京師

南史曰高麗本月五族有消奴部絕奴部慎奴部灌奴部
桂婁部本消奴部爲王微弱桂婁部代之其置官有對盧
則不沛置者有沛者則不置對盧焉普安帝義熙九年高
翼奉表獻赭白馬宋迎接文帝遣使弘爲魏所攻敗奔高
麗北豐城表求元嘉十五年馮王白駒趙次興迎之并令
高麗資遣連不欲弘南乃遣將孫漱高仇等襲殺之白駒
等率所領七千餘人生擒漱殺仇等二人十六年文帝欲侵
魏詔連獻馬八百疋大明二年又獻肅慎氏乃楛矢石磐
歷齊梁並授爵位遣使奉表獻方物不絕

唐書曰高麗者出自扶餘之別種其國都於平壤城卽漢樂浪郡之故地在地師東五千一百里其官大者號大對盧北一品惣知國事三年一代若稱職者不拘年限交代之日或不相祇服皆勒兵相攻勝者爲之其王但閉宮自守不能制禦次曰太大兄比正二品對盧以下官惣十二級外置州懸六十餘城置傳蔭一人比都督諸城置道使托刺史其下各有僚佐分掌曹事衣裳服食唯王五綵以白羅爲冠白皮小帶其冠及帶戍以金飾官之貴者則貴羅爲冠次以緋羅插二烏羽及金銀爲飾衫簡袖袴大口白帛帶黃革履國人衣褐戴弁婦人首加中幘好圍碁投壺之戲人能蹴鞠食用籩豆簋盞罇俎疊洗頗有箕子之

遺風其所居必依山谷皆以茅草葺舍唯佛寺神廟及王宮官府乃用瓦其俗貧窶者多冬月皆作長坑下然火煨以取煖種田養蚕畧同中國城東有大穴名隧神皆以十月王自祭之俗愛書籍至於衡門廝養之家各有街衢造大造謂之局堂子弟未婚之前晝夜於此讀書習射

又曰武德二年高麗王建武遣使來朝四年又遣使朝貢高祖感隋末戰士多陷其地五年賜建書云在此所有高麗人等已令括尋卽遣送彼處有此國人者立可放還務盡綏有之力共弘仁恕之道於是建武悉搜華括人以禮賓送前後至者萬數高祖大喜七年遣使佳冊建武爲上枉國遼東郡王高麗王仍將天尊像及道士往彼爲之講

老子其王及道俗等觀聽者數千人貞觀二年破突厥頡利可汗達武遣使奉賀并上封域國五年詔遣廣州都督府司馬長孫師往收瘞隋時戰亡骨骸毀高麗所立京觀又曰真觀十六年高麗西部大人蓋蘇文有罪其無建武議欲誅之蘇文乃召部兵於南城云將校閱諸大臣皆來臨視蘇文勒兵盡殺之因馳入王宮殺建武立其弟大陽子臧為王自立為莫離支猶中國兵部尚書兼中書令之職也自是專國政蘇文泉姓氏鬚面甚偉形體魁傑身佩五刀左右莫敢仰視令其屬官俯伏於地踐之上馬下亦如之出必先布隊伏導者長呼以避行人百姓畏避皆自殺坑谷太宗聞之遂出使弔伐十九年命刑尚書張亮為

平壤道行道大惣管領常何等率江淮嶺峽勁卒四萬戰船五百艘自萊州汎海趨平壤又以莫國公李勣為遼東道行軍大惣管江夏王宗道為副率步騎六萬趨遼東兩軍合勢太宗親御六軍以會之夏四月李勣軍度遼進攻蓋牟城拔之以其城置蓋州五月渡遼水詔徹橋梁以堅士卒志帝既至遼東城下見士卒負擔以填塹者帝分其尤甚者於馬上載之從官悚動爭賫以送城下高麗聞我有拋軍飛三百斤石於一百里之外者甚惧之乃於城上積水為戰樓以拒飛石勣列車發石以繫其城所遇盡潰又推撞車撞其樓閣無不頌倒拔其城為遼州初帝自定州命海數十里置一烽火師次白雀城右衛大將軍李思

摩中弩曰帝命舉烽屬千遼城與太守約尅遼東常舉烽是矢帝親為吮血將士聞之莫不感勵城主孫代音遂乞降以其城置巖州授代音為刺史我軍之渡遼也莫離支遣加尸城七百城人蓋牟城李勣盡虜之其人並請隨軍自効太宗謂曰詎不欲爾之力爾家悉在加尸爾為吾戰彼將為戮矣破一家之妻子取一人之力用吾不忍也悉令放還車進駕次安市城高麗北部耨蔭高延壽南部高惠直率高麗靺蛄之衆十五萬來救引軍直進太宗夜召諸將躬自指麾令所司張受降暮於朝堂之側曰明日午時納降虜於此矣遂率軍而進至夜果敗二帥之衆太宗因接轡觀賊營壘謂侍臣高麗傾國而來存亡所繫一麾

而敗天祐我也因下馬再拜以謝天名所幸山為駐蹕山令中書侍郎許敬宗為文勒石以紀其功八月移營安市東城李勣等攻之不拔乃詔班師初攻陷遼東城其中應設為奴婢者一萬四千人並遣集沒為將分賞將士太宗愍其父母妻子一朝分散令有司准其直以布帛贖之救為百姓其衆歡叫之聲三百不息

又曰真觀二十年高麗遣使未謝罪并獻二美女太宗謂其使曰歸謂爾生美色者人之所重爾之所獻信為美麗憫其離父母兄弟於本國留其身而忘其親愛其色而傷其心我不取也並還之

又曰貞觀元年高麗遣其子入朝陪位於太山之下其男

年蓋蘇文死其子男生代謂莫離支與弟男建男產其睦
為其所遂走據國內城使其子獻城詣闕求哀十一月命
英國公李勣率郭侍封等以征二年二月勣至新城謂諸
將曰新城是高麗新境鎮城是最為要害若不先圖餘未
易可下遂兵引於城西南據山築柵且攻且守城中窘急
數有降者自此所向克捷高藏又男建將首領九十八人
持帛幡出降諸使入朝勣以禮延接男建猶閉門固守十月
拔平壤城虜高藏男建等至京師獻俘于倉元宮乃分其地置
都督府九州四十二縣一百又置安東護府以統之擢其
酋渠有功者授都督刺史及縣令與華人參理仍遣左武
衛將軍薛仁貴惣兵鎮之自高氏之君長遂絕

太平御覽卷第七百八十三

太平御覽卷第七百八十四

四夷部五

東夷五

豆莫婁

沃沮

肅慎

勿吉

扶桑

女國

文身

大漢

流求

豆莫婁

後漢書曰豆莫婁國在勿吉北千里去洛陽六千里舊北
夫餘也

沃沮

范曄後漢書曰東沃沮人性質直強勇便持予步戰魏志

曰東沃沮在高麗蓋馬大山之東濱大海而居無大君王
世世有邑長其言語與勿麗大同時時小異漢初燕亡人
衛滿王朝鮮時沃沮皆屬焉元封二年伐朝鮮分其地為
四郡以沃沮為玄菟郡後為夷貊所侵還屬樂浪今諸邑
落渠師稱三老臣句麗置其中大人為使又置夫加以統
之稅其貂布食物美奴婢妾其土肥美皆山向海宜五穀
人性真少年馬使持力予其國俗制度大較似句麗其嫁
娶之法女年十歲已相許男家迎之長養以為婦至成人
便還女嫁責錢畢乃復還男其葬送之法大木柳長十餘
丈開一頭作戶新死皆假埋之須肥肉盡聚置柳中舉家
皆共一柳刻木如生隨死者為數又為瓦鬲置米其中編

懸之於柳戶邊

後漢書北沃沮人言海中有女國無男人或傳其國有神
并闕之輒生子云

魏志曰北沃沮一名置溝婁去南沃沮八百里其俗南北
皆同與挹婁接喜乘船抄沃沮畏之曰垣

在山上長深穴中為守備冬月冰凍船道不通乃下居村
落其耆老言國人嘗乘舡捕魚遭風見吹數十日東得一
島其上有入言語不可曉其俗常以七月取童女洗海又
言一國亦在海中純女無男又得一布衣其兩袖長二長
又得一破舡左岸邊有一人項中復有面與語不相曉不
食而死

肅慎

書曰成王既代東夷肅慎未賀

海東諸夷武王克商皆通道焉成王即敗而叛王

而服之故肅慎相未賀

王俾榮作賄肅慎之命

王使榮伯為命書以敬賄賜肅慎之夷亡

後漢書曰挹婁古肅慎之國也在夫餘東北千餘里東濱

大海南與北沃沮按不知其北所極土地多山險陣馬不

通人形似夫餘而言各異有五穀麻布出赤王好貂

所謂挹婁貂是

無君長其邑各有大人處於山林之間土氣極寒常為穴

居以深為貴大家至接九梯好養豕食其肉衣皮冬以豕

膏塗其身厚數分以禦風寒夏則裸以尺布蔽其前後其

人臭穢不潔作側於中國之而居自漢興已後臣屬夫餘

種衆能少而多勇力處山險又善射發能入人目弓長四

尺力如弩矢用楛長一尺八寸青石為鏃皆

即死便乘舡好寇盜隣國畏患而卒不能服東夷夫餘飲

食類此皆用俎頭唯挹婁獨無法俗最無綱紀

魏志所戴同

山海經曰不咸出在肅慎國有樹名雄先人代帝於此取

依其谷無衣中國有蠻帝伐帝者則此木皮可衣

家文曰孔子在陳惠公賓於上館時有集於陳

庭而死楛矢貫之石弩

楛名弩箭

鏃其長尺有咫惠公使以準

於孔子之館問焉子曰隼之未矣此肅慎氏之矢也

事具傳物郡

肅慎國記曰肅慎氏其也在夫餘國北可六十日行東濱

大海夏則巢居冬則穴處父子世為居長無文墨以言語

為約其畜有馬猪牛羊不知乘馬以為財產而已猪放山

谷中食其肉坐其皮績猪毛以為布無井竈人作瓦高四五升以食坐則箕居足被肉而啖之得凍肉坐其上令煥土地無鹽燒木作灰灌取汁食之俗皆編髮以布作裕徑徑尺餘以槩前嫁娶之法男以毛羽挿女頭女和則持歸然後致禮娉之婦真而女淫貴壯賤老寡居然後終身不嫁性凶悍以無憂喪相尚父母死男子不哭哭者為之男子不壯相盜賊物多少盡誅殺之雖野處而不相犯死者即日便葬於交野木作小廓殺猪積槲上富至數百貧者數十以為死者之糧以土覆之以繩繫於槲頭出土上以酒灌之酹終繩腐而止無時祭祀也其檀弓三尺五寸括矢長尺有咫石砮皮骨甲石山在國東北取之必先祈神

石利入鉄

勿吉

後漢書勿吉國在高句驪北舊肅慎國也去洛五千里國有大水濶三里餘名速未水其地下濕無馬田則偶耕車則步推有粟及麥祭音未祭菜有葵水氣醜疑鹽池多猪無羊嚼米醕酒飲之能醉婦人則布裙男子猪大皮裘婚之夕男就女家執女乳而罷便以其尸哺豹食其肉多得之國南有徒太山魏言太皇虎有豹能狼不害人其傍有大莫不盧覆錡國何國迴國庫國婁素和國其伏弗國延犁小國拔大何國都羽陵國庫伏貞國魯婁國羽真侯國前陵各遺朝獻

北史曰勿吉國在高驪北百靺鞨也落各自有長不相惣
一其人勁悍於東夷最強言語獨異常輕立莫婁等國亦
患之去洛陽五千里自和龍北二百餘里有善王山山北
行十三日至祁黎山又北行七日至洛懷水水廣里余又
北行十五日至太岳魯水又東北行十八日到其國其部
類凡有七種一號粟末部與高麗接勝兵數千多驍武每
寇高麗其三曰伯咄部在粟末北勝兵七千其三曰安車
骨部在北咄東北其四曰拂涅部在伯咄東其五曰號
室部在拂涅東其六曰黑水部在安車骨西北其七曰山
部在粟末東南勝兵並不過三千而黑水部尤為勁健自
拂涅以東矢皆石鏃卽古肅慎氏也東夷中國為強所居

多依山水渠師曰大莫弗瞞

母官切

咄國南有縱太山者俗

甚敬畏之人不得山上洩汗行經山者以物盛去地卑濕
築土如堤鑿穴以居開口向上以梯出入其妻有外淫者
人告其夫夫輒殺妻而後悔必殺者告由是奸淫事終不
敢發人皆善射以射獵為業甫弓長三尺箭長尺二寸常
以七八月造毒藥傳矢以射禽獸中者立死煮毒藥氣亦
能殺人

又曰延興中勿吉國遣乙力支朝獻太和初又貢馬五百
匹乙力支稱初發其國乘舡朔難可西上至太泚河沉舡
於水南出陸行度洛孤水從契丹西界達和龍自云其國
先破高句驪十落密共百濟謀從水道并力取高麗遣乙

力支奉使大國謀可其否詔勅三國同志藩附宜共和順
勿相侵擾乙力乃還後其來道取得本舡汎達其國
隋書曰開皇初勿吉國相率遣使貢獻文帝詔其使曰朕
聞被土人勇今來實副朕懷視尔等如子尔等宜敬朕如
父對曰臣對僻處一方開內國有聖人故來朝拜既親奉
聖顏願長為奴僕其國西北與舟契接每想劫掠後因其
事來文帝誡之使勿相次攻擊使者謝罪帝因後勞之令
宴飲於前使者與其徒皆起無其曲折多戰聞客上領謂
侍臣曰天下乃間有此物常隋用兵意然其國與隋懸隔
唯粟來白山為近煬帝初與高麗戰頻敗其國渠師突地
稽率其部降拜右光祿大夫居之柳城與邊人來往悅中
國風俗謂破冠帶帝嘉之賜以錦綺而褒寵之及遼東之
後突稽率其徒以從每有戰功賞賜甚厚

扶桑國

南史曰扶桑國者齊永平元年其國有沙門慧深來至荆
州說云扶桑在大漠國東二萬餘里地在中國之東其土
多扶桑木故以為名扶桑葉似初桐生如笋國人食之實
如棊而赤續其皮為布以為衣亦以為錦作板屋無槲者
有文字以扶字皮為紙無兵甲不攻戰其國法有南北獄
若有犯輕罪者入南獄重罪者入北獄有赦則放南獄不
赦北獄在此獄者男女相配生男八歲為奴生女九歲為
婢犯罪之身至死不出貴人有貴罪國人大會坐罪人於

坑對之宴餘分訣若死別為以灰統之其一重則一身屏退二重則及子孫三重者則及七世名國王為乙祔貴人第一者對盧第二者小對盧第三為納吐沙國主行有鼓角導從其衣色隨年改易甲乙年青景丁赤戊己年黃辛年白壬癸年黑有牛角甚長以角載物至勝二十斛角馬車牛車鹿車國養鹿如中國畜牛以乳為酪有赤黎輕年不壞多蒲桃其地無鉄有銅不貴金銀市無租佑其婚姻法婚往女家門外行屋晨夕灑掃經年而女不悅即立之相悅乃成婚禮大抵與中國同親喪七日不食祖父母喪五日不食兄弟伯叔奴姊妹三日不食設座為神像朝夕拜奠不制哀經嗣王位三年不親國親其俗舊無佛法宋

大明二年蜀賓國常有北丘五人游行其國始通佛法經教焉

女國

南史曰沙門惠深云女國在扶桑東千餘里其人容貌端正色甚潔白身体有毛髮長委地至二三月竟八妊娠六七月產子女人胸前無乳項後生毛根白毛中有汗似乳子百日能行三四年則成人矣兒見人驚避偏畏丈夫食鹹草如禽獸草似雅蒿而氣香如鹹

文身

南史曰文身國在倭國東北七千餘里人軀有文如獸其額上有三文大直貴文小曲者賤上俗歡樂物豐而賤行

客不齎糧有屋宇無城廓國王所居飾以金銀瓊麗繞屋為塹廣一文寶一水銀雨則流于水銀之上市用珍寶

大漢

南史曰漢國在文身國東五千余里無兵戈不戰伐風俗並無文身國而同言語異

流求

隋書曰流求國居海島之間當見建安郡東水行五日而至閩川東也之上多出銅其王歡斯名渴剌雙不知知其由來有國法教也彼土人呼之可老羊妻曰多扶茶所居曰波羅檀洞塹柵三重環以琉流水樹棗為藩王所居舍其大十六門彫刻多獸闔鏤樹以橘而葉密條纖如髮紛然下

重國有四五師統諸洞洞有小王往往有村村有島子了師並以善戰者為之自相樹立理一村之事男女皆以白紵纏髮從頭盤繞婦人以羅文白布為帽織閉鏤皮并雜色紵及雜毛以為衣製裁不一織藤為笠飾以毛羽兵有刀稍弓箭劔鼓之屬編紵為甲或以熊豹之皮王乘大獸令人舉之而行遵從不過數十人國人好相攻擊人皆驍健善走難死而耐創諸洞各為部隊不救助兩陣相當勇者三三五人相擊射如其不勝一軍皆走遣人敢謝即共和鮮收取闔死者共聚而食之食皆用手無賦有事則均稅俗無文字視月虧盈以紀時節候草枯以為年歲人深目長鼻頗類於胡人縱年老髮不白無君臣上下之節拜

伏之禮父子同沐而寢婦人產乳必食子衣以糟曝海水
為盞木汁為醋釀米麴為酒遇得異味先進尊者凡有宴
會執酒者必待呼名而後飲上王者酒亦呼王名御盃同
飲頗同突厥歌呼蹋蹄一人唱衆皆和音韻哀怨其死者
氣將絕舉至庭浴其死以布帛纏之裏以常草襯土而殯
上不咫尺墳為子者數月不食肉有熊罷豹狼尤多猪鷄無
牛羊馱馬厥由良沃先以火燒而引水灌之持一挿以石
馬及長尺餘闊數寸而懇之宜播種樹木同江表氣候與
嶺南相類俗事山海之神祀以酒肴聞戰殺人便以所殺
人祭其神煬帝大帝初海師何蛮等每春秋二時天消風
靜東向依稀似有煙霧之氣亦不知幾千里三年帝令羽
騎尉朱寬入海求訪異俗何蛮言之遂與蛮俱往因到流
求國言語不通掠一人并取其甲而還時倭國使來朝
貢見之曰此夷邪久國人所由也常遣武賁即將陳稜朝
請大夫張鎮國率兵自義安浮海擊之至求初稜將南方
諸國人從軍有崑崙人頗解其語遣人慰諭之流求不從
拒逆官軍稜擊走之進至其都頗戰皆敗毀其宮室虜其
男女數千人而還

太平御覽卷第七百八十四

太平御覽卷第七百八十五

四夷部六

南蛮一

叙南蛮

越裳國

黃支國

廩君

板楯蛮

俚

叙南蛮

禮記曰王制曰方蛮曰蛮雕題交趾有不父食者矣

雕文調刻

兵飢以舟青涅之交趾是相

傳曰庸人率群蛮以叛楚

庸今

二庸縣屬楚之小國

廩人率百濮聚於選將伐楚

選楚地百濮夷也

於是申

息之北門不啓

又曰楚子聞蛮子之亂也與蛮子無質也

質信也

使然丹誘

戒蛮子嘉殺之遂取蛮氏

又曰王子朝使告子諸侯曰滋不穀振湯播越竄在荆蠻
未有攸底

詩曰蠢爾蠻荆大邦為誰蠢動也蠻荆荆州之也

又曰修爾車馬弓矢戎兵用戒戎作用邊蠻方蠻方蠻荆之外也此

時中國微弱故復戒將率之臣以治軍實

又曰保有鳧繹逐荒徐宅至于海邦淮夷蠻貊及彼南夷
莫不率從

尚書曰典曰柔遠能通惇德允元而難任人蠻夷率服帝

曰臯陶蠻夷猾夏寇賊奸宄猾亂也夏華夏也群行攻劫曰寇殺人曰在外曰姦

在內曰宄言無教所致也

又曰貢曰三百里蠻以文德未之不制以法

論語曰子張問行曰言忠信行篤敬雖蠻貊之邦行矣

史記曰吳太伯弟仲雍皆周大王之子避季歷乃奔荆蠻

文身斷髮示不我用荆蠻義之從西歸之千餘家

漢書曰賈誼上書曰凡天子者天下之首何也上也蠻夷

者天下之足何也天下也

世說曰郝隆為桓溫南蠻叅將三月三日在溫席作詩曰

奴偶躍清池溫問何物荅曰蠻名魚為奴偶桓曰何為作

蠻語隆曰千里投公始得一蠻府叅軍那得不作蠻語

越商國

尚書大傳曰交趾之南有越裳國周公居攝六年制禮作
樂天下和平越裳以三象重譯而獻白雉曰道路悠遠山

川阻深音使不通故重譯而朝成王以歸周公曰德不和
馬則君子不饗其質質亦贊也政不施焉則君不臣其人吾何
以獲此賜也其使請也吾受命五國之黃芎日久矣天之
無烈風注雨意者中國有聖人乎有則盍往朝之周公歸
之於王稱之神致以薦乎宗廟周德既衰於是稍絕

黃支國

漢書曰黃支國去合浦日南三萬國俗與朱崖畧同武帝
將來貢具多明珠璧琉璃奇石異物大珠圍及二寸至圍
者置之平地終日不得止

槃瓠

後漢言曰昔高辛氏有大戎之冠帝患其侵暴而征伐不

克乃募訪天下有能得大戎之時吳將軍首者購黃金千
鎰邑萬家又妻以少女時常有畜狗其毛五采名曰槃瓠
下令之後槃瓠遂銜人頭造酒下岸羣臣怪而診視之乃
吳將軍首也帝大喜乃以女配槃瓠槃瓠得女負而走入
南山止石室中所處險紀人跡不止於是女解去衣裳為
濮鑿之髻結著猶力之表濮鑿猶力皆未詳流俗或改鑿為聖者妄牙鑿也經三

年生子十二人六男六女槃瓠死後因自相夫妻織績木
皮染以草實好五色衣服制裁皆有尾形其衣裳班蘭語
言侏離好入山壑不樂乎曠帝順德其意賜以名山廣澤
澤其後滋蔓號曰蛮夷外癡內黠安土重舊以先父有功
母帝之女田作賈販無閑梁符傳租稅之賦有邑君長皆

賜印綬冠用獺皮名渠師曰精夫相呼為殃徒殃鳥郎切說文曰自我也武陵蛮是也

又曰南蛮其在唐虞與之要質故曰要服夏商之時漸為邊患暨于周伐黨衆弥盛故詩曰蠢爾蛮荆大邦為讎至

楚武王時蛮與罷子共敗楚師殺其將屈瑕莫敖不設備故敗縊于荒

谷群師囚于治父也楚師既振遂屬於楚及吳起相悼王南并蛮越

遂有洞庭蒼梧秦昭王使白起伐楚略取蛮夷始置黔中

郡

又曰漢秦黔中郡為武陵歲令大人輸布一疋小口

二丈是謂實布設文口實南蛮賦也音牛冬切雖時為冠盜而不足為郡

國患光武建武二十三年武陵蛮精夫相單程等大寇郡

縣遣武威將軍劉尚發南郡長沙武陵兵萬人乘舡沂流

水入武谿擊之流水出牂牁故曰蘭東北經虛谿長沙巴陵郡入洞庭通切也武谿在今虛溪郡廬

漢尚輕敵深入悉為所沒又遣伏波將軍馬援將兵至臨

沅今武陵郡武縣即漢臨沅縣也擊破之單程等飢困乞降會援病卒謁

者宗均聽息受降為置吏以司之群蛮遂平

又曰順帝永和初武降太守上書以蛮夷率服可比漢人

增其租賦議者皆以為可尚書令虞詡獨奏曰自古聖王

不臣異俗非德不能及威不能加其獸心貪婪難以禮是

故羈縻而綏撫之附則受而不送叛叛則奔而不追先帝

舊典貢稅多少所由未久矣今猥增之必有怨叛計其所

得不償所費必有後悔帝不從其冬澧中漢中蛮渚水所令澧陽

音婁 郡婁 果爭布非舊約遂殺鄉吏舉種反叛明年遣武陵太守李進討破之斬首數百級餘皆降散

又曰延熹中長沙零陵蠻反叛冠江陵荊州刺史劉度謁者馬陸南郡太守李肅皆奔走肅主簿胡爽扣馬諫曰蠻夷見郡無傲備故敢乘間而進明府為國大臣連臣舉旄鳴鼓應聲十萬柰何委付守之重而為逋逃之人乎肅拔刃向爽曰掾促去太守今急何暇此計抱馬固諫肅遂殺爽而走帝聞之徵肅弃市復爽門閭拜家一人為郎

魏畧曰高辛氏有老婦居王室得耳疾挑之乃得物太如爾婦人盛瓠中覆之以槃俄頃化為大其文五色因名槃瓠○于寶晉紀曰武陵長沙郡夷槃瓠之後也雜處五服

之內憑出阻險每常為獠雜魚肉而歸以祭槃瓠俗稱赤隨橫裙子孤

唐書曰黃國公冊安昌者槃瓠之苗裔也世為巴東蠻師與田李向鄧各分槃瓠一禮世傳其皮盛以金匣四時致祭

黃閔武陵記曰山半有槃瓠石寶可容萬人中有石麻槃瓠行迹今接山窟前有石羊石獸古迹奇異尤多坐石窟大如三間屋遙見一石仍似狗形蠻俗相傳云是槃瓠象也

荊州記曰阮陵縣君居酉口有上就武陽二鄉唯此是槃瓠子孫狗種也二郡在武陵漢之北

廩君

後漢言曰巴郡南郡蠻本有五姓巴氏樊氏驪氏

驪音審相

氏鄭氏皆出於武落鍾離山

在今郡邑夷陵山縣

其山有赤黑二穴

巴氏之子生於赤穴四姓之子皆生黑穴未有君長俱是

鬼神乃共擲斂於石穴約能中者奉以為君巴氏子務相

乃獨中之衆皆嘆又令各乘土舡約能浮者因共立之是

為廩君乃乘土舡從夷水至益陽益水有神女謂廩君曰

此地廣大魚鹽所出願留共居廩君不許益神益輒表

宿旦即化為蟲與諸蟲群飛掩蔽曰光天地晦冥積十餘

日廩君思其便因射殺之天乃開明廩於是乎夷城四姓

皆臣之廩君死魂魄世為白虎巴氏以虎飲之血遂以人

祠為

又曰秦惠王并巴中以巴中為蠻夷君長世伐尚秦女其

人爵比不更有罪得以爵除

又曰漢興南郡太守靳強奏請一依秦時故事至光武建

武二十三年南郡潘山蠻雷遷等始反叛

潘音屠

寇掠百姓

遣武威將軍劉尚討破之徒其種人七千餘口置江夏界

中其後江中蠻是也

漢之江夏郡今竟陵郡富水安陸齊安漢陽江夏蘄春郡皆是也

又曰和帝永元十三年至蠻許聖等

漢之巫縣今雲安郡巫山縣也

以郡收稅不均懷怨恨遂屯聚反叛荆州諸郡兵討破之

復悉徙置江夏靈帝光和三年江夏蠻復反叛患累年廬

江太守陸康討破之

漢廬江即今郡也

世本曰廩君使人操青錢以遣鹽神曰嬰此郎相宜云與女俱生弗宜將去鹽神受縷而嬰之廩君即止陽石上望青縷而射之鹽神死天乃大開

說曰文椽南郡蠻夷布也

椽音

荆州圖曰陵縣西有溫泉古老相傳此泉元出鹽于今水有鹽氣縣西一獨山有石穴有二大石並立穴中相去一丈俗名為陰陽石陰石常滋陽石常操盛弘之荆州記曰昔廩君浮夷水射鹽神于陽石之上按施州清江縣江水一名夷水一名鹽水原出清江縣西都亭山水經曰夷水別出巴郡魚復縣注云水色清照十文汾沙石蜀人見澄清因名清江

板楯蠻

後漢書曰板楯者者秦昭襄王時有一白虎常從白虎數遊遊秦蜀巴漢之境場害千餘人照王乃募國中有殺虎者賞邑萬家時有邑郡閭中夷人能作白竹之弩乃登樓射殺白虎照王嘉之以其夷人不欲加封行刻石明要復夷人頃田不租十妻不笑

一戶免其一頃田之租稅雖有十妻不輸口笑之錢也

傷人者論殺人得以俛錢贖死

何承天纂文曰俛蠻夷贖罪貨也俛音徒監也

盟曰秦犯夷輸黃龍一雙夷犯秦輸清酒中夷人安之

又曰漢高帝為漢王發夷人還伐三秦

今尔中秦地既地

秦地既地

乃遣還巴中復其渠師羅朴督鄂度夕龔七姓不輸租賦餘戶乃歲入實錢口四十世號為板楯蠻夷閭中有渝水

其人多居水左右天性勁勇初為漢前鋒數陷陣俗喜歌舞喜音虛切高祖觀之曰比武王伐紂之歌也乃命樂人習之所謂巴渝舞也

又曰灵帝光和中巴郡板楯寇掠蜀三及漢中諸郡帝欲大發兵乃問益州計吏考以征討方畧漢中上計程苞對曰板楯七姓射殺白虎立功先世復為業人其人勇猛善於兵戰昔安帝永初中羞入漢川郡縣破壞得板楯救之老死敗殆盡故號為神兵老人畏忌傳語種軍勿復南行至建和二年老復大入石賴板楯連摧破之前車騎將軍憑鯤南征武陵雖丹陽精兵之銳亦倚板楯以成其功近益州郡亂太守李顯亦以板楯討而平之忠功如此本無

惡之但長吏鄉亭更賦至重僕役捶楚過於奴虜闕庭悠遠不能自聞含怨呼天叩心窮谷也邑落相聚以致叛戾非有謀主僭號以圖不軌今但選明能牧守自然安集不煩征伐也帝從其言遣太守曹謙宣詔赦之即皆降服北史曰自劉石亂後請漸得北遷陸渾以南滿於山谷道武既定中山蠻王梅安率渠帥數千朝京求留質子以表忠疑拜安侍子豹為安遠將軍延興中大陽蠻首桓誕擁河水以此滋葉以南八萬余落內屬孝文嘉之拜誕必輒矣

俚

後漢書曰建武十二年九貞徼外蠻里張俚為人為

率種人慕化內屬封為歸漢里君○沈懷遠南曰郡夫限

音純縣人夷曰獬切世欠

其俗

柵居實為俚之域落南州異物

志曰廣州南有賊曰俚此賊在廣州之南蒼梧爵林合浦
寧浦高梁五郡中天地方數千里往往別村各有長帥無
居王恃在山嶮不用王自古及今玆歷年紀民俗蠢愚唯
知貪利無有仁義道理土俗不愛骨肉而貪寶貨及牛犢
若見賈人有財物水牛者便以其子易之夫或鬻妻凡亦
賣弟者君隣里有負其家債不時還者其子弟中愚者謂
其兄曰我為汝取錢汝但當善殯葬我耳其處多野葛為
鈞梔殺寸徑到債家門下謂曰汝負我錢不肯還我今當
自殺因食野葛而死債家門下其家便稱怨宗族人衆往

債家汝不還我錢而殺我子弟今當擊汝債家慙因以牛
犢財物誦之數十倍死家乃日收死者罷不以為恨

裴翊廣州記曰俚僚貴銅鼓高大為貴面唯丈餘方以為
奇初成懸於庭尅晨置滴招致同類來者盈門其中家富
女以金銀為大又執以扣鼓竟留遺土人名為銅鼓釵風
俗好多構讎怨歆相攻擊鳴此鼓集衆到者如雲有是鼓
者極為豪強

太平御覽卷第七百八十五

太平御覽卷七百八十六

南蠻二

哀牢

鳥許

林邑

扶南

真獵

參半國

白頭國

哀牢

四夷部七

後漢書曰哀牢夷者其先有婦人名沙一居牢山嘗捕魚水中觸沉木若有感因懷妊十月產子男十人後沉木化為龍出水上沙一忽聞龍語曰若為我生子今悉何在九子見龍驚走獨小子不能去背龍而坐龍因舐之其母鳥語謂背為九謂生為隆因名其子曰九隆少一將九龍居隆山下後九隆長大諸兄以九隆能為父所舐而點遂共

推以為王後牢山下有一婦一夫復生十女子九隆弟兄
皆娶以為妻後漸相滋長種人皆刻畫其身象龍文衣皆
耆尾九隆死世世相繼乃分置小王往往邑居散谿谷絕
城荒外山川阻深生人以來未嘗交通中國建武二十三
年其王賢栗遣兵乘箬船箬音滿佳切南下江漢擊附塞夷鹿
多音多鹿多人溺為所擒獲於是震雷疾南南風飄起水為
逆流翻涌二百餘里箬舡沉沒哀牢之眾溺死者數千人
賢栗復遣六王將萬人以攻鹿多鹿多王與戰殺其王六
哀牢耆老共埋六王夜虎復出其尸而食之餘眾驚怖立
引去賢栗惶怨謂其耆老曰我曹入邊塞自古有之今攻
鹿多鄴被天誅中國其聖帝乎天祐助之何其明也二十

七年賢栗等遂率眾種人詣越嶲太守鄭鴻降求內屬光
武封賢栗等為君長自是歲來朝貢

又曰永平十二年哀牢王柳躡遣子率種人內屬顯宗以
其地置哀牢博南二縣割益州郡西部都尉所領六縣合
為永昌郡始通博南山渡蘭倉水行者若之歌曰漢德廣
開不賓度博南越蘭津渡蘭倉為他人

又曰西部都尉廣漢鄭純為政清察化行夷貊天子嘉之
即以為永昌太守純與哀牢夷人約邑毫歲輸布貫頭衣
二領盭一解以為常賦夷俗安之

九州記曰哀牢人皆僂耳穿鼻其渠帥自謂王者耳皆下
肩三寸鹿人則至肩而已土地沃美宜殺蚕桑知染絲文

繡有蘭于細布獠言織成文章如綾錦有桐梧桐木華績
以為布幅廣五尺潔白不受垢汚先以復亡人然後服之
有濮竹節相去二丈地出銅鉄鉛錫金銀光珠琥珀水積
瑠璃軻蟲吐珠孔雀翡翠犀象狸貊獸

唐書曰麟德元年五月於昆明之扶棟川置姚州都督府
每年差兵募五百人鎮守武太后神功二年蜀州刺史張
東之上表曰姚州者古哀牢之舊國也本不與中國交通
漢前唐蒙開夜郎滇笮而哀牢不附至光武季年始請內
屬漢置永昌郡以統理之稅其監布氈罽以利中土其國
西通大秦通交趾奇珍進貢歲時不闕及諸葛亮五月渡
瀘水收其金銀鹽布以益軍諸使張伯岐選其勁卒以增

武備前代置郡其利頗深今鹽布之稅不供珍奇之共入
而空竭府庫駸平人受役蠻夷肝腦塗地漢得利既多更
置博南哀牢二縣蜀人愁行者作歌今於國家無絲髮之
利在百利受終之酷伏乞省罷姚州使隸嵩府歲時朝覲
同之蕃國

烏訥

後漢書曰交趾西有噉人國生首子輒解而食之宜弟味
旨則以遺其君君喜而賞其婦取妻美則讓其兄今烏訥
人是也

南州異物志曰交廣之界民曰烏訥地名東界在廣州之
南交州之北恒出道間伺候二州行族有單迫輩者輒出

擊之利得人食之不貪其財貨也地有棘厚十餘寸破以作弓長四尺餘名孤弩削竹為矢以銅為旋長八寸以射急疾不凡用也地有毒藥以將失金入則撻皮視未見瘡顧眄之間飢內便皆壞爛須臾而死尋問此藥云取出諸有毒螫者合者管中曝之既爛因取其汁日前之如射肉不復裂也烏許人便以肉為馘俎又取其髑髏破之以飲酒也其伺候行人小有失輦出射之若人無救者便止以火燔燎食之若人有伴相救不容得倉力不能盡擔去者便縱取手足以去尤以人手足掌蹠為珍異以貽長老出得人歸家合聚隣里懸死人中當四面向坐擊銅敲歌舞飲酒稍就割食之奉月方田尤好出索人貪得之以祭田

神也

異物志曰烏澣取翠羽採珠為產又能織班布可以為帷幔族類同姓有為人所殺則居處伺殺王不問是與非過人便殺以為肉食也裴淵廣記曰晉與有烏澣人以鼻飲水中口進敢如故

林邑國

南史曰林邑國大淺曰南郡象相縣古越裳界也伏波將軍馬援開南境北縣其地從廣可六百里余城去海百二十里去日南界四百余里北接九德郡其南界水步道二百餘里有西園夷亦稱王馬援其郡二銅柱表漢界處也其國有山金石皆赤色其中生食金夜則出飛狀如螢火

又出瑇瑁且蔭古具流木香具者樹名也其花成時如鷺
毳抽其緒紡之以作布布與紵布不殊亦染成五色織為
班布沉木香者土人斫斷積以歲年朽爛而心節獨在置
水中則沉故名曰沉香次浮者棧香漢末大乱功曹區車
殺縣令自立為王教世其後王無嗣外甥范熊代立死子
逸嗣晉成帝咸康三年逸死奴文纂立父本日南西掩縣
夷師范幼家奴常牧羊於山澗里魚二化而為鐵因以鑄
刀力成文向石呪曰若所食破者父當王此國因砍石如
斷葛藁文心異之范幼嘗使之商至賈林邑殺林邑王作
兵車器械王寵仕之後乃讒言諸子各奔餘國及王死無
嗣大於隣國逐王子置毒於漿中殺之遂脅國人自立

又曰林邑王文敵為扶尚王子當根純所殺大臣范諸農
平亂自立為王諸農死子陽邁立陽邁初在孕其母夢生
兒有人以金席籍之其色光麗夷人謂之精者為陽邁若
中國云紫磨者因以為名宋永初二年遣使貢獻以陽邁
為林邑王陽邁死子咄立慕其父復曰陽邁其國俗居處
為閣名曰干闥門戶皆比向書樹葉為紙男子皆以橫幅
古具繞腰已下謂之干漫亦曰都漫穿耳貫小環貴者著
革履賤者跣行自林邑扶南諸國皆然也其王著法服加
纓路如佛像之飾出則乘象吹螺擊鼓罩古其繳以古且
為幡旗國不設刑法有罪者使家鬻殺之其大姓號婆羅
門嫁娶必用八月女先求男由賤男而貴女同姓還相婚

姻使婆羅門引胥見婦握手相付呪曰吉利吉利為成禮
死者焚之中野謂之大葬其寡婦寡婦后喪髮至老國王
事竺乾道鑄金銀人像大十遠元嘉陽邁侵暴曰南九德
諸郡交州刺史杜弘文建牙欵計之聞有代乃止

又曰宋帝元嘉二十一年使交州刺史檀和之振武將軍
宗慤代林邑和之遣司馬蕭景憲為前鋒陽邁聞之懼欵
輸金一萬斤銀十萬斤銅三十萬斤還所畧日南戶其大

臣毒音毒僧道諫止之乃遣太師范扶龍戍其比界區粟城
攻城克之乘勝即克林邑陽邁父子並挺身逃奔獲其珍
異皆是未名之寶又銷其金人得黃金數萬斤

又曰齊永明中林邑至范文贇遣使貢獻梁夫監中文贇

子天凱奉表獻白猴自此貢獻不絕

抵與交趾同以延家教十里土名香木金寶物產大

北史曰林邑國博為城蜃塗炭之皆開北戶以向日或東
西無定尊官三等其一曰西那婆帝其二曰蔭婆地歌其
屬官三等其一曰倫名姓字歌倫致帝次乙地伽蘭外官
分為二百餘里其長曰弗羅次曰可倫如牧宰之差也王

戴金花冠形如章用衣朝霞布珠璣纓絡足躡革履時服
錦袍良家子侍衛者二百餘人皆執金裝兵有弓箭刀想
以竹為弩傳毒於石樂有琴笛琵琶五絃頰與中國同母
擊鼓以驚衆吹蠡以即戎其人深目高鼻髮拳色黑俗皆
徒跣以幅布纏身各月衣袍婦人推髻書樹葉紙施柳葉

為席王死七日而葬有官者三日度人一日以函成骨肉
舞導從輿至外次積薪焚之收其餘骨王則內金甕中流
之於海有官者以銅鬣流之海口庶人以瓦送之於江南
女皆截髮哭至水次盡哀而止歸則不哭每七日燃香散
花復哭盡哀而止百年三年皆如之人皆奉佛文字同於
天竺

隋書曰林邑之先因漢末交趾女子徵側之亂內縣功曹
子區連殺縣自今號為王無子其甥范熊代立死子逸立
自南人范文因亂為逸僕疑遂教之築宮室造械器逸甚
信任使又將兵極得衆心文因間其子弟或奔或徒其逸
死國無嗣文自立為王其後犯佛為晉楊威將軍戴桓所

破宋州刺史檀和之將兵擊之深入其境至怨陳亦通使
往來其國延柔教十里高祖既年陳乃遣使獻千初其後
朝貢遂絕時天下無事群臣言林邑多奇實者仁壽末上
遣大將劉方為驩州道行軍總管卒欽刺史州窳長真驪
州刺史李暈開府恭雄步騎萬餘及犯罪者數十人擊之
其王梵志率其徒乘巨象而戰方軍不利方是多掘小坑
草覆其上因以兵挑之梵志悉衆而陳兵與戰為北梵志
遂之至坑州其衆多陷轉相驚駭軍遂亂方縱兵擊之大
破之頻戰輒敗遂棄城而走人其都獲其廟至十八枚皆
鑄金為之蓋其有國十八葉矣方班師梵志復其故地遣
使謝罪於是朝貢不絕唐書曰真觀中林邑王梵頭黎死

率國人共立頭黎女王諸葛地頭利之始子女王獨任國中不寧大臣可倫翁定乃立地為王妻之以女主其國乃定諸葛地自立後遣使可倫因地盤畝火珠狀如水精日午時正以珠承影取艾衣之火見云得之於羅利國令之環王國主即梵志之後在日南郡陸行十一餘日方至

扶南國

蕭子顯齊書曰扶南國男子截錦為横幅女為貫頭貧者以布自蔽鍛為鏤鎖環貫音銀器伐木起屋國王居重閣以木柵為城海邊生大葉長八尺編其葉以覆物屋國王行乘象婦女亦能乘象無牢獄有訟者則以金指環若鷄子沸湯中令探又燒鎖令赤着手上捧行七步有罪者手皆

焦爛無罪者不傷又令沒水直入則沉不直不沉

又曰扶南在日南之南大海西灣中廣袤三千餘里又大江水西海入海其先有女人為王名柳葉又有激國名混填夢神賜弓一張故乘舡入海填晨起於神廟樹下得弓郡乘舡向扶南柳葉見舡卒象欲禦之混填奉弓遙射貫船一面通中人柳葉怖遂降混填娶以為妻惡其躰露形躰乃穿疊布貫其首遂治其國子孫相傳

南史曰扶南王混盤死國人其舉范蔓為王蔓勇健有權畧復以兵威攻伐旁國咸服屬之自號扶南大王乃作大舡窮漲海開國十餘濶地五六千里蔓死後大將范尋殺其子長而伐立更繕國內起觀閣遊戲之朝且中脯二四

見客有姓以蕉蕉龜烏為禮國無牢獄於城溝中養鵜鰐魚門外圍猛獸有罪者輒以錐猛獸及鰐魚魚獸不食為無罪二日乃放之鰐魚大者長三尺餘丈如龜有四足喙長六七尺兩邊有齒利如刀劍常食魚遇得麋鹿及人亦敢之蒼梧以南及外國皆有之

又曰扶南王憍陳如本天竺波羅門也有神語曰應王扶南憍陳如心悅南至盤盤扶南人聞之舉國欣迎戴而立焉復改制度用天竺法憍陳如死後王持梨陀跋摩宋文帝元嘉中三奉表獻方物齊永明中王憍陳如闍邪跋摩遣使送珊瑚佛像并獻方物詔授南安將軍扶南王其國人皆醜黑拳髮所居不穿井數十家共一地引汲之俗事

天神以銅為像二面者四手四面者八手手各有所持或小兒或鳥獸或日月其王出入乘象嬪侍亦然王坐則偏跽翹膝垂左膝至地以白疊敷前設金盆香炉放其上國俗居喪則剃髮除鬚死者有四葬水葬則投之江流火葬則焚為灰爐土葬則瘞埋之為葬則弁之中野人性貪怯無禮義男女恣其奔隨

隋書曰扶南國王遣貢獻其王姓古寵諸國多姓古龍部者者言崑崙無姓氏乃崑崙之訛

抱朴子曰扶南國出金鋼可以刻玉狀似紫石英其所生在百丈水底盤石上如鍾乳人投水取之竟日乃出以鉄槌之不復鉄反自損以殺羊角扣之灌魚水洋

外國傳曰扶南人若戶中亡器物者卽以米一升詣神庙乞食見盜者以求着神足下明日取米呼戶中奴婢分令窺之盜者口中血出米元不碎不盜者入口卽飯從日南至微外悉

又曰扶南之東漲海中有大火洲洲上有樹得正黑得火燃樹皮正日紡績以作手中或作燈盡

又曰扶南國人居舍雕文刻鏤好布施

獵皆乘象一去月餘日

南州異物志曰扶南國在林邑西三千餘里自屬皆有官長及王之左右大臣皆號為崑崙

貞獵

隋書曰真獵國在外邑西南本扶南之屬國也去日南郡舟行六十日而南接車渠國西有未江國有王姓利利氏名質多斯那自其祖拆已強盛至質多斯那遂兼扶南而有之死子伊奢華先代立伊奢那城郭下二萬餘家城中有一大堂是王聽政之所其王三日一朝坐五香七寶床上施寶帳以文木為竿象牙全鈿為壁狀如小屋懸金光燭有同於赤土前有金香炉二人侍側王着朝霞古具滿絡腰服下垂至脛頭戴金寶花冠披珍珠瓔珞足履革屣耳懸金璫常服曰疊以象牙為屨有五大臣一曰孤落支二曰高相平三曰婆阿多陵四曰舍磨陵五曰髻多婁及

諸小臣朝於王者輒於階下三稽首王喚上階則跪以兩
手抱膊遠王還坐議政事訖跪伏而去其國與參半朱江
二國和親教與施桓林邑二國戰爭其人行止皆持甲伏
若有征代固而用之其俗非王妻子不得為嗣王初立之
日所有兄弟並刑殘之或去一指或劓其劓別處供給不
得仕進人形小兒色黑婦人亦有白者悉拳髮垂耳性氣
捷勁若處器物頗類赤土以右手為淨左手為穢每旦澡
洗以楊枝淨齒讀誦經呪又澡洗乃食食之時先取雜肉
羔美與餅蘇酪沙糖糗粟米餅飲食之時用楊枝淨齒飲
食多相和手搦而食男婚禮畢郡與父母分財則居父母
死小兒未婚者以餘財與之若婚畢財物入官其喪葬兒

女皆七日不食剔髮而哭僧尼道士親故皆來聚會音樂
送之以五香木燒之收灰以金銀瓶盛送于大水之內負
者或用瓦而以彩色畫之亦有不焚送屍山中任野獸食
之其國北多山阜南有水澤地氣尤熱無霜雪饒瘴癘毒
虫土宜標稻與日南九真相類異者有婆耶那婆樹無花
葉似冬瓜菴羅樹花葉似棗實似李毗野樹花似木瓜葉
似杏實似楮婆田羅樹花葉實並似棗而小異歌畢他樹
花似李葉似榆而原大實似李其大如升海中有魚名建
同四無鱗其鼻如象吸水中噴高五六十尺有浮胡魚其
形如鰓嘴如鸚鵡有八足多大魚半身出水望之如山海
五六月中毒熱氣流行即以白猪牛羊於城西門外之不

然每以二千人守衛城東有神名婆伽鉢利祭牌人肉每年殺人以夜祀壽大業十三年遣使貢獻帝厚禮之其後亦絕

唐書曰貞獵國真觀二年又與林邑圖俱來獻朝太宗嘉其歷遠疲勞錫賚甚厚南方人謂真獵國為吉茂國自神此以後真獵分為二半以南追海多陂海處謂之水真獵半以北多山阜處謂之陸真觀亦謂之文單國宗則天玄宗朝並遣使朝貢水真獵國之其境東西南北約皆八百里東至奔陀浪州西至墮羅鉢國南至小海比即陸真觀其王所居城之號婆羅是國之東界有小城皆為之國其國多象元和八年遣李摩那等來朝

參半國

唐書曰武德中參半國遣使朝貢其貢在真獵西南千餘里城臨大海土地下濕風俗物產拜與林邑國同

白頭國

唐書曰真觀中扶南未獻白頭國二人於洛陽云國國在扶南之西參半之西南女皆至素首身又疑白居山洞之中四面巖險故人莫至與參半國相接

太平御覽卷第七百八十六

太平御覽卷第七百八十七

南蛮三

赤土國

蒲羅中國

優鉞國

橫跌國

北攬國

馬五洲

薄歎州

耽蘭洲

巨延洲

濱那專國

烏文國

期調國

材陽國

牟奴七國

蒲林國

節子國

毗加黎國

干陀利國

狼牙修國

婆利國

訶羅陀國

呵羅單國

蒲黃國

婆皇國

婆達國

間婆達國

槃槃國

斤陀利國

赤土國

漢書曰赤土國林南之別種也在南海之中水行百餘日

而達所都土色赤因以為號東婆羅剌國西婆羅婆國南
訶羅旦國北巨大海地方數千里其王姓瞿曇氏多利富
多塞不知有國近遠稱其父釋王位出家為道傳位於利
害多塞在位十六年矣有三妻並隣國王之女也居僧祇
城有門三重相去各百許步每門圖畫仙人苦節之像
懸金花鈴眊婦女數十人或奏樂或捧金花又飾四婦人
容飾如佛塔邊金剛力士之狀夾門而立門外持兵狀門
內者執百拂夾道垂素網綴花王宮諸室悉是重閣北戶
北面而坐坐三重之榻衣朝霞布冠金花冠垂雜寶瓔珞
四女子立侍左右兵衛百餘人王榻後作一龕以金銀五
香木雜佃之龕後懸一金光焰夾榻又樹二金鏡鏡前並

陳金甕前各有金香爐當前置一金伏牛牛前樹一寶蓋
左右皆有寶扇婆羅門等數百人東西重行相向面坐其
官有隆陀迦選一人拖拿達右二人迦利密迦三人共掌
政事俱雜末帝一人掌刑法每城置耶耶迦一人鉢帝十
人其俗皆穿耳剪髮無跪拜之禮以香油塗身敬佛尤重
婆羅門婦人作髻於頂後男女通以朝霞朝雲雜色布為
衣豪富之家恣意畢靡唯金鑠非王不得服每用婚嫁擇
吉日女家先期五日作樂飲酒父執女手以授婚七日乃
配為既聚則分別居唯幼子與父同居父母兄弟死則
剃髮素服礼水上構竹為柵柵內積薪以屍置上燒香建
幡吹蠶絲鼓以送縱火焚薪遂密於水貴賤皆同唯因正

燒訖收貯以金瓶藏於廟屋冬夏常溫雨多同交趾以甘
席作酒雜以紫芥糧酒色黃赤香美亦名椰漿為酒

又曰煬帝即位募能通絕域者大業三年屯田主事駿虞
部主事王君政等請使赤土帝大悅賜駿等帛各百疋時
服一襲遣賫物五千段以賜赤土王其年十月駿等自南
海郡乘舟晝夜二旬每值便風至焦石山而過東南泊陵
伽鉢拔多洲西與林邑相對上有祠祠為又南行至獅子
石自是島嶼連接又行二三日西望見狼牙須國之山於
是南達鷄籠島至於赤土之畧其王遣婆羅門鳩摩羅以
船三十艘來迎吹蠡擊鼓以樂隨使進金鑲以鏡駿船月
餘至其都王遣其子那耶迦請與駿等禮先見遣人送金

盤貯香花并鏡鑷金合二枚貯香油金瓶八枚貯香水白
疊布四條以擬共使者盥洗將象二頭持孔雀蓋以迎伸
人并致金花盤以籍詔函男子百人奉蠡鼓婆羅門二人
道路至王宮宜詔訖引駿等坐奏天竺樂事畢駿等還館
又遣人送以食草葉為盤其大方丈後請駿等人宴王前
設兩家床上并設草葉盤方一丈五尺上有黃白紫赤四
色之餅牛羊魚鱉猪燐蜻之肉百餘品延駿并床從者坐
於地席各以金鍾置酒女樂迭奏禮遣厚甚尋遣那耶迦
隨駿貢方既入海見綠魚群飛水上浮海上十餘日至林
邑東南並蒲浪山而待其海水闊千餘步色黃氣腥舟行
一日不絕云是大魚糞也循海北岸達于交趾至六年春

與邠耶迦於弘農謁帝大悅賜物及官賞各有差

蒲羅中國

吳時康泰為中郎表上扶南土俗曰利正東行極崎頭海邊有居人人皆有瓦五六寸名蒲羅中國其俗食人

優鉞國

康泰扶南土俗曰優鉞國者在天竺之東南可五千里國土熾盛城廓玆玩謠俗與竺同

橫鉄國

康泰扶南土俗曰橫鉄國在優鉞之東南城郭鏡饒樂不及優鉞也

比攬國

康泰扶南土俗曰諸薄之東南有比攬國出錫轉賣與外徼

馬五洲

康泰扶南土俗曰諸薄之東有五洲出鷄舌香樹木多華少寶

薄歎洲

康泰扶南土俗曰諸薄之西北有薄歎洲土地出金當以採金為業轉賣與諸買人易糧米雜物

耽蘭洲

康泰扶南土俗曰諸薄之西北有耽蘭之洲出鐵

巨延洲

康泰扶南土俗曰諸薄之東北有巨延洲人民無田種羊
浮舡海中截大蚌螺杯往扶南

濱邠專國

康泰扶南土俗曰濱邠專國出驥都田馬及金俗民皆有
衣被結髮也

烏文國

康泰扶南土俗曰烏文國昔混湏初載賈人大舩所成此
國

斯調國

康泰扶南土俗曰斯調國灣中有自然監累如細石子國
人取之一卓輸王餘自入

南州異物志曰斯調海中洲名也在歌營東南可二千里
上有王國城市街巷土地浹美

萬震南方異物志曰斯調國又有中洲焉春夏失火秋冬
死有木於火甲秋冬枯死以皮為布

林陽國

康泰扶南土俗曰扶南之西南有林陽國去扶南七千里
土地奉佛有數千沙門持戒六齋曰魚肉不得入國一曰
拜市朝市諸雜米耳菓名石密暮中但貨香花南州異志
曰林陽在扶南西七千餘里地平皆博民十餘萬家男子
行仁善皆傳佛

牟奴國 摸盧國 末利國 卑離國

滿都國 纏余國 沙樓國

晉起居注曰大熙元年正月牟奴等國大小口十七萬九
十余人各遣正副使詣獲東夷校尉何龕上献方物

蒲林國

晉起居注曰興林寧元曰閏月蒲林王國新開通前所奉
表詣先帝今遣到其國慰諭

獅子國

宋元嘉起居注曰獅子國王遣使奉獻詔曰此小乘經甚
少彼國所有皆可悉為寫送之間彼隣多有師子此所未
都可悉致之

法顯記曰師子本無人正有鬼神及龍居之諸國商人來
共市易鬼神自現身但出寶物顯其時值商人則依價值
取物諸國人文其士樂悉亦復來於是遂成大國和適無
冬夏之異草木常茂田種隨人無有時節

毗加黎國

宋元嘉起居注曰五年天竺毗加黎國王月受遣使上表
并奉金剛指環一枚剛印摩勒金環一枚毘毘一具白旃
檀六段赤白鸚鵡各一頭細疊兩張

千陀利國

南史曰千陀利國在南洲海上其俗與林邑扶同畧同出
班布古具栴槲特精為詣國之極末孝武世王釋婆羅那
隣陀遣長使史竺留陀獻金銀寶器梁天監元年其王瞿

曇修跋陀羅以四月八日夢一僧謂曰中國今有聖主十年後佛法大興汝若遣使貢奉禮敬則土地豐樂商侷百倍若不信我則竟不得自安初未之信既而又夢此僧曰汝若信我我當與汝往觀乃於夢中至中國拜觀夫子既覺心異之陀羅本工畫乃寫夢中所見夢帝客質飾以丹青乃遣使并畫工奉表獻王盤等物使人既至捐寫帝形以還其國比本畫則符同焉因盛以寶函日加禮敬後跋陀死子毗釗即跋摩立遣長毗貞跋摩奉表獻金芙蓉雜香藥等

狼牙修國

南史曰狼牙修國在南海中其界東西三十日南北二十行北去廣州二萬四千里土氣產與扶南略同偏多棧沉香律香俗男女皆袒而披髮以古具為十漫其王及貴臣乃加雲霞布覆脾以金繩為絡帶金環貫耳女子則布以瓔珞繞身其國累博為城重門樓閣王出乘象有幡旄旗鼓罩白蓋兵衛甚重國人說立國已四百餘年後嗣衰弱王族有賢者國人歸向之王開乃加囚執其鑠無故以斷王以為神因不敢害乃逐出境遂奔天竺天竺妻以長女俄而狼牙王死大臣迎還為王二十餘年死子婆加達多立天監十四年遣阿撒多奉表

婆利國

南史曰婆利國在廣州東南海中洲上去廣州二月日行

國界東西五十日行南北二十日行有一百三十六聚土
氣暑熱如中國之盛夏穀一歲再熟草木常榮海出文螺
紫具有石名珉具大破其國人披古具如袍及馬都縵乃
用班線者以瓔珞繞身頭着金長官高尺餘形如牟綴以
七寶之飾帶金裝劍偏坐金高坐以金燈支足侍女皆為
金花雜寶之飾或特白旄拂乞孔雀扇玉出以象駕與輿
以雜香為之上施羽蓋琳簾導從吹螺擊鼓自古未通中
因問其先及年數不能記自官白靜王夫人即其國女天
監十六年遣使奉表獻金等普通三年其王頗伽復遣使
珠智獻白鸚鵡青蟲兜鍪琉璃器古其螺杯雜色香數十種
隋書曰婆利國自交趾浮海南過赤土丹丹乃至其國國
界東西四月行南四十五日行王姓刹利耶加名護溫那
婆官曰獨訶邪拏次曰獨訶氏拏國人善投輪刀其大如
鏡中有覈外鋒如銘遠以投人無不中其餘兵器與中國
各同俗類真獵物產同於林邑其殺人及盜截其手姦者
鑕其足其年而止祭祀必以月晦盤貯酒散浮之流水每
十一月必設大祭海出珊瑚有島名舍利解人語大業十
二年遣使入貢後遂絕

訶羅陀羅

南史曰訶羅陀國米元嘉七年遣使奉象曰仗承聖王重
三寶興立塔寺周滿國界今故遣使二人表此微心

阿羅單國

宋元嘉起居注曰去九年六月閣婆州河羅單國王毗沙跋摩遣使奉獻

又曰十一年呵羅單國王尸黎毗遮耶獻銀添梓等

南史曰呵羅單國都閣婆洲元嘉七年遣使獻金剛指環赤鸚鳥天竺國白疊古其葉波國古具等物十年呵羅單國王毗沙跋摩奉表曰常勝天下陛下諸佛世尊常樂安穩三達六通為世間道是名如來是故至誠五体敬禮其後與子所篡奪十三年又上表二十六年文帝詔曰呵羅單國婆皇婆達三國頻越遐海欵化納貢還誠宜甄可並加除授乃遣使策命二十九年又遣長史婆和沙弥獻方物

蒲黃國

宋元嘉起居注曰二十六年蒲黃國獻牛黃等物又獻鬱金香等物

婆皇國

南史曰婆皇國元年二十六年國王舍利婆羅跋摩遣使獻方物四十一種文帝策命之為婆皇國王二十八年復遣使貢獻孝武孝建三年又遣長史竺那婆智奉表獻方物以婆智為振盛將軍大明三年獻赤白鸚鵡大明八年明帝奉始二年又遣使貢獻明帝以其長史竺須羅遠前長史振威將軍竺那婆智並為龍驤將軍

婆達國

南史曰婆達國元嘉二年六年國王舍利不陵伽跋摩遣使獻方

物文帝策命之為婆達國王二十六年二十八年復遣使獻方物

閻婆達國

南史白閻婆達國元嘉中國王師利婆達呵呵陀羅摩獻使獻方物文帝策命之為婆國王下殺化一切種智安德天人師降伏四魔成等正覺轉道法輪度脫衆生我雖在遠亦沾靈閣

槃槃國

宋起居注曰孝建二年七月二十日槃槃國王遣長史竺伽藍婆奉獻金銀琉璃香藥等物

南史曰槃槃國元嘉孝建大明中並遣使貢獻梁中太通元年四月其王使使送奉衣累送佛牙及畫塔現沉檀等

香數十鍾六年八月後遣使送菩提國舍利及畫塔國并菩提葉唐糖等香

梁書槃槃國南海大洲中比林邑隔小白交

瓶行四十日至其國王曰楊粟寔趙粟寔父曰楊德武連以上無德而紀百姓多綠水而居國無城皆豎水為柵王坐金龕床母坐諸大人皆兩手交抱肩而跪其及國多有婆羅門自天竺來就王乞財物王甚重之其大臣曰勃郎索濫次曰崑崙帝也次曰崑崙勃和音胡切次曰崑崙勃帝索甘且其崑崙言古龍声相近故或有謂為古龍者其在外城者曰那延猶中夏刺史縣令其矢多以石為疑稍則以鐵為刃有僧尼寺十所僧尼讀佛經皆食肉而飲酒亦

有道士寺一所道士不飲食酒讀阿修羅王經其國不甚重之俗皆以僧而此立呼道士為貪隋大業中亦遣使朝貢唐書曰槃國在林邑西南海曲中北與林邑隔小海自交州郵行四十四日乃至其國與狼牙修國為隣人皆學婆羅門甚敬佛法貞觀九年遣使朝貢方物

斤陀利國

宋起居注曰孝建二年八月二日斤陀利國王釋陀羅隣陀遣長史竹留陀及多奉表獻方物

太平御覽卷第七百八十七

太平御覽卷第七百八十八

四夷部

南蛮四

頓遜國

毗賽國

丹丹國

東謝

西趙蛮

南平蛮

羅利國

投和國

附國

暹斗四國

殊柰國

甘棠國

金利毗遜國

隋和羅國

陀洹國

隋婆登國

多茂國

多摩國

奇羅倉國

杜簿國

鳥篤國

薄刺國

頓遜國

南史頓遜國在海崎上音祈地方千里城出海十里有五王並羈屬扶南頓遜人東界通交州諸賈人其

四界接天竺安息徼外諸國往還交易其布東罽
會日有方余人珍物宝貨無所不有

書康曰頓遜國出霍香挿支便生葉如都梁以裹
衣國有區撥等花十餘種冬夏不凋曰我十車貨之
其花燥更芬馥亦未為粉以傳其身焉

南州異物志曰典遜在扶南三千余里本為別國
扶南先王范蔓男 畧討服之今屬扶南竺芝扶

南記曰頓遜國屬扶南國主名崑崙國有天竺胡五
百家兩佛圖天竺婆羅門千余人頓遜敬奉其道
嫁女與之故多不去唯讀天神經以香花自洗精進
不舍晝夜疾困便發願馬葬歌舞送之邑外有鳥

啄食余骨作灰翼成沉海鳥若不食乃藍盛火葬者
投水余灰亟盛埋之祭祠無年限又酒樹有以安石
榴取花與汗亭雍瓦中數日乃成酒美而醉人

毗騫國

南史曰毗騫國有俗室屋衣服噉粳米其人言語小異
扶南國內有受花客有往者殺而噉之是以商衣不
敢至王王常樓居不血食不是鬼神其子孫生死如常
人惟王死扶南王數使與書相報達常遣扶南王純金
五十人食噐形如園盤又如瓦塢多為多羅受五爻
如宛者受一升竺芝扶

南史紀曰毗騫國去扶南八千里在海中國王身長三

大勁長三尺自古以來不死知神聖未然之事亦有子孫子孫生死如常人唯此王不死耳號曰長勁王食器皆純金金如此問之石無央限也不聽妄取有偷者知則杀食之長勁王亦能作天竺書自道宿命所經與佛語相似作書可三千言皆道是事其国有法罪者莫在王前食之平常不人敢也

丹丹

梁書曰丹丹国中大通二年其王遣使奉表送象牙及盃答二軀并獻火齊朱古具雜香藥天回元年復遣使獻金銀琉璃雜宝香藥等物

隋書曰丹丹国在多羅摩羅国西比振州東南振州今在德那生

同島上

王姓利利名尸陵伽理所可工万余家亦置州縣以相統領王每辰夕二時臨朝其大臣八人号曰八座並以婆羅朝其之王每以朝霞足履皮履近則乘輿遠則馭象其攻伐則吹蠶繫鼓兼有幡旗刑盜賊無多少皆殺之士出金銀白亶蘇方栴柳其谷唯伯有杀牛杀羊鷄鴨鵝麋鹿鳥有越鳥孔雀果祿功力果有補菹石榴瓜瓠菱蓮菜有葱麻蔓者

東謝

唐書曰東謝蛮其地在黔州之西數百里内接守臣僚西連夷子比至自蛮土宜五谷不以牛耕但為畚由每歲一易俗無文字刻木為契散在山洞間依樹為層

巢而居級飲皆自營生業無賦稅之事謁見貴人皆執
鞭而拜有功劳者以牛馬銅鼓賣之有犯罪者小事杖罰
大事殺之盜物陪還其產婚姻之禮以牛酒為娉女婦
夫家皆毋自送之女夫慙逃避經旬乃出讓聚則繫
銅鼓吹大角歌舞以為樂好帶刀劍未嘗捨離丈夫衣
服有三襖谷袴以綿袖及布為之右肩斜束皮帶其衣
螺處豹猿狔及犬羊之皮以為外飾坐皆若男女推髻
以非向後垂下及首領謝元深既世為莫長其部落皆
尊畏之謝氏一族法不盲女自云姓高不可不嫁故也真
觀三年元深入朝冠馬熊皮冠若今之旄頭以金銀絡
額身披常皮竹滕而者履中書侍郎顏師古奏言

昔周武時天下太平遠國歸疑牛史乃集其事為王
會今方國未朝至其今如此輦張服實可圖焉今請
撰會為正會從之以其地為應仍拜元深為刺史隸
黔州都督府

又曰南謝首領謝強與西謝隣其元深俱未朝見為
南善州刺史後改為壯周真觀十三年正月西南方莫
長蠻州刺史後陽郡開國公宋鼎鼎刺史謝汕 蕭
巴江縣今宋方傳祥州錄事叅軍謝文經驗中經
略招謝觀察王礎奏前件刺史三年一度朝今年懇訴
稱州接祥柯兩州戶口殷勝人力強大隣側諸蕃悉皆敬
憚請比兩州每三年一度朝賀仍依祥柯輪定差定并

以才幹位望為衆推者元勅從之

西趙蛮

唐書曰西趙蛮在東謝之南其界東至夷子曰至昆明南至西泔泔音山洞隕深莫如道理南北十八日行東西二十三日行其風俗物產與謝同首領趙氏世為莫長有戶万余貞觀三年遣使入朝二十一年以其地置明州即以首趙磨為刺史

南平蛮

唐書曰南平蛮北與涪州接部落四年余有男子左佐露髮徒跣婦人橫布兩幅穿中而貫其首名為通招其人美髮髻垂於後以行箇如筆長三四寸斜貫其耳貴者亦有珠璫土多女少男為婚之法女氏必先貨求男族貧人無嫁資女多賣與富人為婢俗皆婦人執役其王姓朱氏号為歛荔王貞觀中遣使内附以其地肆渝州

羅利国

隋書曰羅利国在婆利之東其人極陋朱髮黑身馘牙鷹爪時與邑人作市輒以夜晝曰則掩其面灼帝棄三年使常駿寺使赤土国致羅利

投和国

隋書曰投和国在海大洲真臘之南自廣州西南水行百日至其国王始投和羅名脯邪乞遥理所城復屋以

瓦並為閣而居屋皆以彩畫之城內皆王室城外人居可力
余家至宿衛之時百余人每臨朝則衣朝霞冠金耳推
金環勁推金延衣連叔足履室裝皮履官屬有朝
請將軍惣知國政又有叅軍功曹主簿城局金威將軍
贊理贊府寺官分理文武又有州及郡縣州有叅郡有
金威將軍縣有城局為其長官初至各選官僚助理政刑
法賊盜多者輕者穿耳及頰私鑄銀錢者截腕國無賦稅俱
隨意貢奉無多少之限多以商農為業國人乘象及
馬一國之中馬不過千匹又無鞍轡唯以繩穿額為之
節制音樂則吹蠡繫鼓死喪則賜祀哭泣人楚屍以
髡盛之沉於水中若父母之喪則截髮為孝其國市以

六所貿易皆用銀錢小如榆莢有佛道有季校文字與
中夏不同訊其嗜老云王無姓名齊杖靡王所坐塔園
以佛塔以金飾之門皆東開坐亦東向

唐書曰貞觀中投國遣使奉表以金亟盛之又獻金
槩若盃金鎖宝帶犀象海物等數十品

附國

隋書曰附國者蜀郡西北二千余里即漢之南夷也有
嘉良夷郎其東部所居種姓自相率領土俗與附國同
言也少殊不相統一其人無姓氏附國土字宜繒其國南
北八百里西千五百里無城柵近川谷旁山險俗好復仇故
疊石而屋以避其患高至十余丈下至五六尺每級差余

以衣隔之基方三四步其上方二三步伏似浮圍於下級開
小門從內上通夜必開門以防賊盜國有二万家號令自
王王出嘉良夷政令繫之酋師重罪者死輕者罰牛人
皆輕捷便繫劍漆皮為年甲弓長六尺以竹為強妻其
群母及其硬兄弟死父兄亦納其妻好歌舞鼓吹長笛
有死者無服制屍高壯之上沐浴衣服被以年甲覆以獻
皮子孫不哭帶甲不舞劍而乎云我父為鬼所取我欲
報冤殺鬼自以猪酒相遣共飲敢人哭必以兩手掩面死
家殺牛親屬以猪酒相遣共飲敢痊之死後十日而大葬
必集親賓殺馬動至數十疋立其祖父食而食之其俗
以皮冒衫紈如体戴幕羅衣多毛毼皮喪為靴頂繫

鉄鎖手貫鉄釧王與猶師金為飾臂前懸一金花徑三寸
其土高氣候涼多風少雨土宜小麦青科山出銀、多白
雉水有魚長四尺而鮮細大業四年其王遣使素福等八
人入朝年又遣其弟子宜林率嘉良夷六十人朝貢款獻
良馬以路險不通請開山道修職貢帝以勞人不許嘉良
有水闊六七十丈附國有水闊百余丈並南流用皮為舟而濟

邊斗國

隋書曰邊斗國一云班斗都昆國一作都拘利國一作九比嵩國並
扶南度金隣大湾南行三千里有此國其農作與金隣同
其人多白色都昆出好棧香藿香及硫黃其藿香樹生千
歲根本甚大伐之四萬年木皆朽敗唯中節堅貞芬香獨

存取為香

殊柰國

唐書曰貞觀二年殊柰國遣使貢方物殊柰者崑崙人也
在林邑南去交趾海行海月余日俗習文字與婆羅門同
路絕遠古未常朝中國至是始也通

甘堂國

唐書曰甘堂國在大海之南崑崙人也貞觀十年與未俱
婆國同曰朝貢太宗為侍臣曰南長西域自遠而至其故
何也房玄齡對曰當中國人安帝德遠被也太宗曰誠如
公言向使中國不安何緣至朕德以堪之

金利毗逝國

唐書曰金利毗逝國在京西南四萬余里東去致物國二
千里西去亦土國一千五百里南去婆羅國三千里柳衢
國三千里其國有城邑庭舍衣朝霞白疊每食先泥上海
席而後座國王名本多揚牙前有隊仗甲鍔具多樹皮其
風俗物產與真臘國

隋和羅國

唐書曰隋和羅國南與盤國北與迦羅舍佛東真臘接西
隣大海去高州五月日行貞觀十三年其王遣使貢方物
二十三年又遣使獻象牙火珠請賜好馬許詔之

陀洹國

唐書曰陀洹國在林邑西南大海中東南與隋和羅接去

交趾三月余行賓服于墮和羅其王姓察失利字婆那上
無蚕桑以白疊朝霞布為衣俗皆接居謂為干欄貞觀十
八年遣使來朝二十一年遣使獻白鸚鵡毛羽皓素頭上
有紅毛數十莖與翅齊及婆拜膏仍請馬及銅鍾詔並給
之

墮婆登國

唐書曰墮婆登國在林邑南海行三月東與訶陵西與迷
黎車接北界大海風俗與訶陵同種稻每月一熟有文字
書于且多葉其死者口實以金又以金剛貫于四支然後
加以婆律膏及檀沉龍腦等香積薪以燔火之貞觀中遣
使獻金花等物王之所居堅木為誠造大屋重閣覆以梭

櫛皮所坐床悉以象牙為之亦以象牙為席食以手掇之
音古又以椰樹花為酒飲之亦醉有山穴海湧而出鹽國
患反人取食其國人有毒與人常同止宿即令身瘡與之交會
便若涎液露着草木即枯其人身不臭不爛

多蔑國

唐書曰多蔑國貞觀時通焉在南海外國界周迴可一月
行南阻大海西俱遊國北波利國東真陀桓國戶口極
多置三千州不役屬也國有州郭宮殿樓榭並用瓦木以
十二月為歲其物產有銀金鉄象牙犀角朝霞朝雲等布
其俗交易用金銀朝霞等物賈百姓二十而稅一五谷菜
蔬與中國不殊

多摩国

唐書曰多摩国長居于海島東與婆鳳西與多隆與牛半
友跋華言五山也北與訶陵等國接其國界東西可一月
行南北可二十五行其王子先龍子也名骨利骨利得大
島即部之得一女子容色殊妙即以為妻其王尸羅劬傭
伊說即其後也显慶中遣使貢獻其俗無姓王居以稱為
城以枝為屋坐師子座東向衣物與林邑同勝兵二万人
無馬有弓刀甲預婚姻無同姓之別其食可器銅、金銀
所食尚酥乳駱沙糖口蜜其家畜有殺羊牛野獸有麋鹿
有死亡無喪紀之制以火焚其屍其音樂畧同天竺有波
那婆宅護遮菴磨石榴等果多甘蔗從其國徑薛盧都思

訶芦林邑等國達于交州

哥羅舍分國

唐書曰哥羅舍分國在南海之南接隋和羅勝兵一万人
其王蒲越伽摩頭五年遣使朝貢

杜簿國

唐書曰杜簿國在扶南東漲海中直漫海數十日至其人
色白皆皆有衣服國有稻田女子作白疊華布出金銀鉄
以金為錢出雞舌香可含以香不入服雞舌其為水也氣
辛而性屬禽獸不能至故未可識其樹者華熟自零隨水
而出方得之杜簿洲有余國城皆稱王

鳥篤國

唐書曰鳥篤國在中天竺南一名烏伏那地方五千金里
百姓殷實人性懦弱詭詐尤工禁術篤信佛法文字禮儀
畧同天竺自古不通中國貞觀中其王達摩因陀訶斯遣
使獻腦香

薄刺洲

唐書曰薄刺洲隋時聞焉在拘利南海灣中其人色黑而
齒白眼正赤男女並無衣服一名勃焚州

抱朴子曰勃焚州在薰緣水膠所出楓脂矣所以不可多
得者正患狻猊獸啖人狻音結 猊音握此獸大者重十斤狀如水
獺其頭身及他處了無毛唯從鼻上以竟灌至尾上有毛
廣一寸許青長三四分許其無毛處則如囊人張捕得之

斬刺不傷積薪烈火縛以投火中薪盡而此獸不焦須以
大杖打之皮不傷而骨碎都盡而死

太平御覽卷第七百九十

南蛮

南詔蛮

驃国

景蛮等部落

弥諾国

大賧切土

南瀘

量水川

夜半国

弥臣国

崑崙国

小婆羅門国

勿鄧

女王国

獨錦国

弄棟国

蜻蛉蛮

長禪国

施蛮

磨此蛮

摸子国

尋傳蛮

裸形蛮

苴望子蛮

望蛮

黑齒諸蛮

縹面蛮

穿鼻

長髮棟鋒

范蛮

堂魔蛮

南詔蛮

唐書曰南詔蠻本烏蠻之別種也姓蒙氏謂王為詔自言
衰牢之伐居蒙舍州為渠師在漢永昌故郡東姚州之西
其先具師有六自號六詔兵力相埒各有君臣無統帥蜀
時為諸葛亮所征皆臣服之

又曰南詔蠻國初時有蒙舍龍生加獨生細奴邏高、時
末朝細奴邏生邏盛武后時朝其妻方娘邏盛次姚州間
妻生子曰吾且有子死于唐城足矣子名盛邏皮邏王至
京師賜錦袍金帶師國開元初邏盛死盛邏皮立盛邏皮
死子皮邏閣立

又曰南詔蠻皮邏閣嗣立二十六年詔授特進有越國公
賜名曰歸義其後破洱阿洱音而以功策授雲南王歸義

斬強盛余五百浸溺先是劍南節度王昱受歸義賂奏六
詔合為一詔歸義既併五詔服群蠻破土蕃之眾兵曰以
驕大遂徙居大和城天竺四戴歸義遣孫鳳迦異奉朝授
鴻臚卿歸國恩賜甚厚

又曰閣邏鳳襲封王無何鮮于仲通為劍南節度使張虔
為雲南太守仲通褊急寡謀虔阨橋居遇之下以禮旧事
南詔嘗與其妻子謁見都督虔阨背私利莫有所徵求閣
邏鳳多不應虔阨遣人罵辱之仍密奏其罪惡閣邏鳳忿
怨因發兵反圍虔阨殺之後遣使謝罪仍與雲南錄事參
軍姜如芝俱來請還其所虜掠且言吐蕃大兵壓境若不
許當歸命吐蕃雲南之地非唐有也仲通不許因其使進

軍逼大和城為南詔所敗自是閣邏鳳北城吐蕃
又曰閣邏鳳死其孫異牟尋頗和書有才智善撫其眾吐
蕃後賊南蛮重敷又奪諸蛮險地城立城保歲徵兵以助
鎮防牟尋益厭苦之有鄭回者本相州人天竺授雋州西
瀘縣令雋州陷為所虜閣邏鳳以回有儒學更名曰蛮利
甚受重之教令鳳迦異及異牟尋立以回為清平官事皆
苦之回嘗言與牟尋曰自昔南詔嘗款附中國尚禮義以
惠養為務無所求取今弃蕃歸唐無遠戍之勞利莫大焉
牟尋善其言謀附內者十餘年矣會劍南西川節度使常
皋招撫諸蛮直鳥皇虜望寺歸化間牟尋之意因諸蛮寓
書于牟尋且招懷之牟尋乃斬之吐蕃使去其所立帝號
以歸我仍請復南詔旧名初吐蕃曰爭北庭與迴髓大戰
死傷頗眾乃徵兵于牟尋須萬人牟尋欲因以襲之及示
寡弱謂吐蕃曰蛮軍數少僅可發三千人人蕃五千人戍
吐蕃乃將數萬種其後昼夜兼行乘其無備大破吐蕃于
神川鉄橋遣使告捉帝乃命兼行御史中丞表滋持節冊
南詔王仍賜金印曰貞元冊南詔印

又曰貞元南詔王遣使蒙湊羅棟來獻鐸槃浪人劍

驃國

唐書曰驃國在永昌故郡南二千余里其國境東隣真臘
西接東海天竺南尽滇海北通南詔此樂城界東北距陽
苴咩城六千八百里往來通聘迦邏婆提等二十國役

屬者道林王寺九城食境土者羅君替守二百九十八部
落其王姓困沒長名摩羅惹其國相名摩訶思那其王近
適則與以金繩床遠適則乘象嬪妹甚衆常數百人其羅
城構以磚堦周一百六十里壕岸亦構磚相傳本是舍利
佛城、內有居人數万家佛寺百余區其堂宇皆錯以金
銀塗以丹綵地紫鑿覆以錦罽其俗好生惡殺其土宜菽
粟稻稞無麻麥其禮無刑典名桔桎之具犯罪者以竹五
十本束之復犯者捷其皆數止五輕者止三殺人者戮之
男女十歲則落髮止寺舍依桑門至十二不悟佛理乃復
髮為居人其衣服悉以自毳朝霞統而已不衣錦帛云于
蚤為其傷生故也君臣父子長幼有序華言為之驃自謂

矣羅成閻婆人謂之徒里拙古未嘗通中國貞中元其王
聞南詔異牟尋歸附心慕之八年乃遣其弟悉利移回南
詔重譚耒朝又獻其國樂九十曲與樂工三十五人俱樂
曲皆演釋氏經綸之詞意以悉利移為試太僕卿

南夷志曰驃國在永昌南七十五日程百閻羅鳳所通也
其國用銀錢以青磚為國城周行一日程百姓盡在城內
有十二所堂當國王所居門前大象路坐高百余尺自如
霜雪俗尚廉恥人壯和善少言重佛法城中並無宰殺又
多推步天文若有所訟者王即令焚香向大象思惟是非
便各引退或有災疫王亦焚香對象悔過自責男子多衣
白疊婦人當頂為高髻以金銀真珠為余着青婆裙人

披羅段行必持羅段行必持扇貴家婦皆三人五人在傍
扇與波斯及婆羅門接界西去利城六十日程疑此是東
天竺也

暴蛮

等部落

南夷志曰竹子嶺東有暴蛮部落嶺西有盧鹿蛮部落
人有生蛮磨弥殿部落此等部落皆東蠻鳥蛮也男則髻
女則散髮見人無節拜跪三譯乃與華通大部落則有大
鬼主百家二百家小部落亦有小鬼主一切信使鬼巫用
相、服制土多牛馬無部帛男女悉披牛羊皮

勿鄧

南夷志曰勿鄧部落大鬼主夢冲地方千里功部一姓白

蛮五姓烏蛮婦人以白墨繒為衣白蛮婦人白繒為衣不
下過膝

大賧

南夷志曰大賧周迴百余里悉是野蛮無君長地有瘴毒
河賧人至中瘴人十死八九問羅鳳嘗遣使築城于彼嘗
制野蛮不逾歲死者過半歲遂罷弃其土肥沃種瓠長丈
余冬瓜亦然皆三尺圍又多薏苡無農桑收此充糧三面
皆是雪山高造天

白氈

南夷志曰瀘水蜀諸葛亮伐高蛮五月渡泸大如臂川中
氣候常熱雖万冬行過者皆袒衣流汗

量水川

南夷志曰量水在滇池南兩日行漢曰黎地州川中有天地水東南出流一石竇中水流甚土蠻廣石竇甚狹蠻云此竇忽窒則百姓憂溺

弥諾国

弥臣国

南夷志曰弥諾国弥臣国皆邊海国也呼其君長為壽弥諾面赤而長弥臣面黑而短性忝謹每與人語向前一步一拜国無城郭弥諾王所居屋之中有一天柱雕刻為文飾以金銀弥臣王以未柵為居海際水中以石師子為屋四足仍以板盖悉用香木王出即乘象百姓楼居披婆羅籠男女多俗好音樂楼兩頭置鼓飲酒即擊鼓男女携手

楼中踏舞樂在永昌城西南六十日程

崑崙国

南夷志曰崑崙国王北去四洱河八十一程出象及青木香旃檀檳榔琉璃水精犀角等物蛮寇嘗攻之為其决水淹浸進退無計餓死萬余不死者去其右腕于迴

小婆羅門国

南夷志曰小婆羅門国在永昌北七十四日程俗不食牛曰預知身後事出具齒白蠟赴諾共大耳国来往蛮夷善之信通其国

夜半国

南夷志曰夜半国在蒼望城東北隔麗水城川原其婦人

與鬼道能知吉凶禍福本土君長崇信之蠻夷往以金購之要知善惡

女王國

南夷志曰獨錦蠻之苗裔也在秦滅川去安寧兩日種其族多姓李異牟尋母獨錦蠻女也有季負藍貞元日為大將軍在勃美棟川為城使等

美棟蠻

南夷志曰美棟蠻則白蠻苗裔也本姚州美棟縣部落其地旧為褒州嘗有首領悞殺司戶惧罪率眾北奔在摩磨此江側貞元中異牟尋破吐蕃城邑獲美棟城于永昌之地

清蛉蠻

南夷志曰清蛉蠻亦白蠻苗裔也本清蛉縣部落天宝中雋州初陷有首領尹氏父子相率南奔河賧閣羅鳳厚待之貞元中南詔清平官尹輔酋皆其人也衣服言語與蒙舍畧同

長禪蠻

南夷志曰長禪蠻本烏蠻後之部落在劍川屬浪詔其俗皆衣長禪曳地更無衣服唯披牛羊皮

施蛮

南夷志曰施蛮種族也鉄橋西北大施賧劍尋賧皆其所居之地男小繒布為縵襠袴婦人從頂橫分其髮當額及

頂後各為髻男女終身跣足披牛羊皮

唐些蛮

南夷志曰唐些蛮鳥種也鉄橋上下及大婆三婆三探覽
昆池等川皆其所居之地土多牛羊一家即有羊群終身
不洗手面男女皆披羊皮俗飲酒好歌舞

撲子蛮

南夷志曰撲子蛮勇悍矯捷以青婆羅為通身袴善用
洎箕竹弓深林間射飛鼠發無不中部落首領謂之莫在
上無食器以芭蕉葉藉之

尋傳蛮

南夷志曰尋傳蛮無絲布帛披羅籠跣足可以踐履捺棘
持弓挾矢射高猪主食其肉取其兩牙双挿頂傍為飾又
條其皮以擊腰每戰聞即以籠子籠頭如兜鍪狀

裸形蛮

南夷志曰裸形蛮在尋傳城西三百里為巢穴謂之野蛮
閻羅鳳既定尋傳而野蛮散居山谷集戰即召之亦無君
長女多男少無田農衣服唯有木皮以蔽形或十妻五妻
共養一丈夫尺日持刀下榻欄有外來侵害者則射之

苴望子蛮

南夷志曰苴望子蛮在蘭蒼江以西其人勇捷善于馬上
用槍所乘馬不用鞍跣足衣短甲統蔽胸服而已

望蛮

南夷志曰望蛮外喻部落在永昌國北其人長大負排持槊前無強敵又能用木弓短箭傳毒藥中人立斃婦人跣足以青布為衣聯珂具已齒真珠斜落其身有夫豎分髮為兩髻無夫者頂後為髻垂之地宜沙牛角長四尺以束婦人嗜乳酪

黑齒金齒銀齒繡脚

南夷志曰黑齒金齒銀齒繡脚四蛮並在永昌開南雜種也類黑齒以漆其齒金齒以金鏤片裹其齒銀齒以銀有事見人則以此為飾寢食則去之皆當上為一髻以青布為通身袴又斜披青布為通身袴又斜披青布條繡脚蛮則于裸上腓下周匝刻為文彩衣以緋布

綉面蛮

南夷志曰綉面蛮生一月則以針刺面青黛塗之如綉狀

穿鼻蛮

南夷志曰穿鼻蛮在柘東以徑尺金環穿鼻中隔下垂過頤君長即以絲繩繫使人牽起乃行其次者花頭金釘兩枚從鼻兩邊穿令透下

長髻揀鋒

南夷志曰長髻揀鋒二蛮部落髻黑而長當額前為一長髻下過臍每行即以物

茫蛮

南夷志曰茫蛮部落並開南雜種也茫是其君之號亦呼

范詔從永昌城南先過唐封次鳳藍苴次茫天連次茫土
蕓又有火賤茫昌盛恐也茫鮓茫施皆其類也樓居無城
郭或漆齒衣青布袴藤蔑纏腰紅繒布纏髻出其余垂後
為飾婦人披五色婆羅籠孔雀巢人家樹上象如水牛俗
養耕田

崇魔蛮

南夷志曰崇魔蛮去安南林西原十二程俗養牛馬長與
漢人博易大中八年經畧使苛暴人益斗博牛或馬一疋
目茲隔絕不來

太平御覽卷第七百九十

太平御覽卷第七百九十

四夷部十一

南蛮六

結胸国

羽民国

謹兜国

壓火国

三苗国

戴国載從結切

交頸国

不死国

支舌国

三首国

焦僂国

長臂国

三身国

一臂国

奇肱国

丈夫国

巫咸国

女子国

軒轅国

白民国

長目国

無啓国

一目国

和利国

深目国

無腸国

聶耳国

歧踵国

大人国

君子国

青丘国

黑齒国

玄服国

毛民国

劳民国

氏人国

姑射国

蜮国

沃国

反風国

林那国

無論国

句稚国

歌营国

加陳国

師漢国

扈利国

姑奴国

察牢国

類人

雕題国

狼臙国

窳人

黄頭人

僂耳国

穿胸国

西屠国

金隣国

波遼国

屋都乾国

波延洲

究原国

奴從国

炎人国

黄孫

落頭民

鮫人

松外諸蛮

結胸国

山海經曰結胸国其人結胸

郭璞注曰臆前出如人結喉也

羽民国

山海經曰羽民国其人長頭身生羽一曰其人長頰

外国焉曰羽民羽飛不能遠其人卵產去九疑四万里

謹兜国

山海經曰謹兜国其人人面有翼鳥喙

謹兜克臣有罪自放南海而死帝矜之使

其子居南而祠也 一曰謹宋国

神異經曰南方荒中有人人于鳥足枝翼而行但食海中

魚雖有翼不足以飛倚而往行勢也 一名謹瓊為人很惡奸踈不畏風雨

不忌禽獸有所觸犯乃死休耳

厭火国

山海經曰厭火国其獸身黑色火出其口中

似猕猴黑色也

三苗国

書曰克胤三苗于三危

山海經曰三苗国在赤水東

神異經曰西北荒中有人焉皆人形而腋下翼不能飛

名曰苗民為人饕餮逸無礼

外国圖曰昔唐以天下授虞有苗之君非之苗之民浮黑

水入南海是為三苗民去九疑三萬三千里

載国

山海經曰載国其操弓射地

大荒經曰此国皆然有五谷衣服

一曰盛国括地圖曰禹誅防風氏夏德二龍降之禹使范

氏御之以行經南方防風神見禹怒使射之有迅雨二龍

升去臣惧以刃自貫其心死禹哀之療以不死草皆生是

名穿匈民去會稽萬五千里

交頸国

山海經曰交頸国在貫匈東其人交頸交

言脚胫曲尖相交所謂雕題交

外國圖曰交脛民長四尺

不死國

山海經曰不死國在交脛東其人黑色壽考

有員丘山不死樹食之不

死有赤泉飲之不老

支舌國

山海經曰支舌國在不死國東

其人舌皆岐或云支舌也

三首國

山海經曰三首國一身三首

焦僂國

後漢書曰安帝永初中永昌徼外焦僂種夷陸類等三千余口率種內附獻象牙牛其人長三尺穴居善游鳥獸懼

焉

列子曰中州以東三千萬里得焦僂國人長一尺五寸

山海經曰周饒國為人短小冠帶

其人長三尺穴居能為机巧有五谷

一曰焦國在三首東

家語曰吳之容問孔子曰人之長極幾何對曰焦倅民長

三尺短之極也長者不過十之數之極也

長者十短者三皆數之極也

外國圖曰焦倅民善沒游者捕鷺鳥其草木夏死而冬生

去九疑三萬里

又曰從啖水南曰焦倅其人長尺六寸一曰迎風則偃背風則伏不衣而野宿

長臂國

山海經曰長臂國人長一尺五捕魚水中兩手各操一魚

云其人手垂至地海東有人膏在海中得布帽摺衣如中國衣西兩袖長三丈即此長臂民衣

三身國

山海經曰三身國一首三身

一臂國

山海經曰一臂國在三身國北一臂一目一鼻孔

奇肱國

山海經曰奇肱國其人一臂

丈夫國

括地圖曰殷帝大戊使王孟林樂于西王母至此絕糧食木實衣木皮終身無妻而生二子從背間出是為丈夫民

去玉門二萬里

巫咸國

山海經曰巫咸國在女刃國北右手操青蛇左手操青蛇

在登葆山群巫所從上下也操葉性未

外國圖曰昔殷帝大戊使巫咸禱于山河巫咸居于此是

為巫咸民去南海萬千里

女子國

山海經曰女子國在巫咸國北兩女子居水外周之有黃池婦

人入洛出即人孕矣生男三歲怪死周逸也

軒轅國

山海經曰軒轅國在窮山之際其不言壽者八百歲其國在山

日山之南也荒中
南女子北人面蛇身尾交首上不敢西賦畏
軒轅之丘言敢畏黃帝威是故不敢向之射也

白民国

山海經曰白民国之國在龍魚北白身被髮其人也洞白也

又曰白民之國室後帝鷓生白民

博物志曰日南有野女群行不見夫其體晶明子白裸祖

無衣

長股國

山海經曰長股之國在雄常北被髮國在赤水東長臂人

類推之則此脚過三丈矣黃帝時至咸曰長脚人常負長脚入海中捕魚

無啓國

山海經曰海水自東北陬至無啓國在長肱東為人無啓

啓肥賜也其人穴居食土無男女死即埋之其心不朽死百二十歲乃復更生也

一目國

山海經曰一目國一目中其面也

和利國

山海經曰和利國在一目東為人一手足反膝曲足居上

反卷也一曰菑利之國人手反折

深目國

山海經曰深目國為舉一手

無腸國

山海經曰無腸國在深目國東為人長而無腸

聶耳國

山海經曰聶耳國在無腸國東為人兩手聶其耳言耳長行則以

跂踵國

山海經曰跂踵國在拘纓東其人兩足俱大其人行甫踞不著地也

大人國

山海經曰大人國為人獸身人面大耳珥兩青蛇以蛇貫耳也

君子國

山海經曰君子國人冠衣帶劍其人好諫不爭也

山海經曰青丘國其人食五穀衣絲帛其孤九尾

黑齒國

山海經曰黑齒國東夷傳曰後國東四十余里有裸國東有黑齒國舡行一年始可至也異物志云曲唇梁齒亦以放些也為人黑齒

玄服國

山海經曰玄服國髀皆以墨青黑其人衣魚以魚皮為衣食鷓鴣水鷄者

毛民國

山海經曰毛民國為人身生毛今去臨海郡東二千余里毛人在海中洲島上為人

短小面体有毛迦猪熊云吉亦衣服晋永嘉四年吳都郡司蓋都尉郡司戴建猪熊云在海邊得一舡上有男女四人在上賜婦生人女子出入市井斬曉人語自說其所是此人

民毛

神異經曰八荒之中有毛人焉長七八尺皆人形身驅頭

上皆毛、如猕猴毛長尺人則臭居賜切也目問口吐舌上唇

覆面下唇白覆臨海水

土物志曰毛人之洲乃在漲嶼身無衣服鑿池穴雖云雖

象人不知言語齊長五尺毛如熊豕衆輩相隨豕捕鳥鼠

无五谷唯捕鳥鼠魚肉以為糧耳

勞民國

山海經曰勞民國為人黑食果草實也有一鳥兩頭也或曰教民面目

毛足尽黑

氏人國

山海經曰氏人國者觸抵之抵在建木西人面而魚身足無自

以上人以下魚也

姑射國

山海經曰姑射國在海中

域國

山海經曰域有山者域有民之國食桑射域是食蛇短爪也人驚

含沙射人中則病死則山出之也

沃國

山海經曰有沃國之言其土饒沃也沃民是處鳳凰鳥之卵是食

甘露是飲孔其故其味皆存也

反風國

道書曰反風之國香逆風聞千里也

林那國

竹一 扶南記曰林那國蠻其延國未多日黎與毗騫同
大洲放二万里法俗是同

無論國

南州異物志曰無論有大道左右種桃枇杷及諸花果白
曰竹其下陰涼蔽熱十余里一亭皆有井水食麥飯飲蒲
桃酒如膠若欲飲以水和之其味甘美

句稚國

南州異物志曰句稚去典遊八百里有江口西南向東北
行極大崎頭出張海中淺而多磁石

歌營國

南州異物志曰歌營在句稚南可一月行到其南文灣中
有洲名蒲頭上有居人皆黑如漆齒正白眼赤男女皆裸

形 康太扶南土俗上載而去常望海
過則逸虹將雜借山果易鉄器

師漢

南州異物志曰如陳在歌營西南

師漢國

南州異物志曰師漢國在句稚西從雅去行可十四五日
乃到其國亦稱王上有神人及明月珠但仁善不忍殺生
土地平博民有万余家

扈利國

南州異物志曰苞利國在奴調州西南邊海

姑奴國

南州異物志曰姑奴去歌營可八千里人民万余戶皆乘四轅車駕二馬或四馬四會所集也舩舩常有百余艘市會万余人晝夜作市舩皆鳴鼓吹角人民衣被中國

察牢國

南州異物志曰察牢在安息中間大國也去天竺五千里人民勇健率國人皆稱王種國無常王國人常選耆老有德者立為王三歲一更率土地所與天竺同慕其土地不出國遠行

類人

南州異物志曰扶南海隅有人如戟此人扶南之東綠海

也身黑如漆齒白如素扶南以外民皆漆齒使黑如此隨

時流移居無常處水此民不知變立屋宅乃隨寒暑素逐

山射麋食唯魚肉不識木稼寒無服以沙自覆此人先衣服若過

寒涼輒自覆帷時或也屯聚猪犬雞糝此人先衣服若過

以出面日耳時或此人或時權有可得停猶知立一小屋以自

也分別雞忝人形無踰六畜

雕題國

異物志曰雕題國蓋其面及身刻其肥而青之或若錦衣若魚鱗

狼臚國

異物志曰狼臙國男無衣服女橫布帷出與漢人交易不以晝市暮夜會俱以鼻鼻金則知好惡

地有人

民可二千余家皆曰朱吾縣民叛居其中

波延洲

外國傳曰從屈都乾國東去舡行可千余里到波延洲有民人二百余家專採金賣與屈都乾國

窵原國

外國傳曰窵原有瘵民出錫鉄雞舌香及赤白五色鸚鵡鳥窵原達永昌一歲

奴後國

外國傳曰窵從林陽西去二千里奴後國可二万余戶與

永昌接界

炎人國

博物志曰焚人之南炎人之國其親戚死剝肉死弃之然後埋其骨乃成孝子

落頭民

博物志曰南方有落頭民其頭能飛其種人常有所祭號曰蟲落故因取名焉以其頭飛目眼便去以耳為翼將曉還復著体吳時徃得之

黃孫

博物志曰黃孫天毒君之孫也名貴貧躁而好自飲汁父母笑之媿而去居此黃孫國去九疑二万一千里

鮫人

博物志曰南海水有鮫人水居如魚不廢織績其眼能泣珠

松外諸蠻

唐書曰松外諸蠻貞觀末為寇遣兵從西洱河討之其西洱河從雋州四千五百里其地有數十百落大者五六

氐人

異物志曰氐人蓋及目甚鱗白面体異若漆皆光譯為奴婢強勤力

黃頭人

異物志曰黃頭人群相隨行無常居處其類與禽獸同或

依大樹以草皮其枝上而庇廕其下髮正黃如掃帚見漢人散入草終不可得也

僂耳國

異物志曰僂耳國夷生則鏤其頭皮尾相連拜鏤其耳匡為數行與類相連狀如雞腹下垂肩上有食諸時諸切紡績為

業

穿胸國

異物志曰穿胸人其衣則縫布二幅合兩頭開中央以頭貫穿胸身不突身

西屠國

異物志曰西屠國在海中以草漆蓋用白作黑一染則歷

年不復變一号黑齒

交州南外国傳有銅柱表為漢之南極界左右十余小国
悉屬西屠有夷民所在二千余家

金隣国

異物志曰金隣一名金去扶南可二千余里地出銀人民
多好臘大象生得乘騎死則取其牙齒

外国傳曰從扶南西去金陳二千里到金陳

波遼国

外国傳曰從西屠南去百里到波遼十余国皆在海邊

屈都乾国

外国傳曰從波遼国南去乘舡可三千里到屈都乾国上

百户小者二三百户無大君長有數十姓以楊李趙董為
名家各擅山川不相投屬自云其先本漢人有城郭村邑
弓矢言語雖小訛舛大畧與中夏同有文字頗解陰陽曆
數自夜即滇池以西皆云控橋之余種也其上有稻麥粟
豆稻穫亦與中同而以十二月為歲首菜則葱蒜韭菘菁
果則桃梅李柰有絲麻女工蚕織之事出絕絹絲布黃七
寸以下甲蚕以正月生二月熱畜有牛馬猪羊雞犬飯用
竹屑搏之而取美用象枉若雞彘有舡無車男女毡皮為
帔女子絕布為裙于仍坡毡皮之帔頭髻一盤而成形如
髻阻瓜男女皆跣至于死喪哭泣棺槨劓無不畢備三
年之內穿地為坎殃于舍側上作小屋三年之外出而葬

之蠡封畔官令其耐濕父母死皆斬衰布衣遠者至四五
年近者二三年然後即吉其被人殺者喪主麻結髮而黑
其面衣裳不緝唯婚內不廢婚妻不避同姓其俗有竊盜
殺人淫穢之事尊長節立一長木為擊鼓敬眾共會其下
強盜者眾共殺之若賊家富強但燒其屋宅奪其田業而
也

太平御覽卷第七百九十

